

說文解字義證

說文解字第十一 義證第三十三

曲阜桂馥學

水 準也北方之行象眾水竝流中有微陽之氣也凡水

之屬皆從水

式軌切

玉篇水流津也 春秋元命苞水之爲言演也陰化渾滿流
施潛行也故其立字兩人交一以中出者爲水一者數之始
兩人譬男女言陰陽交物以一起也 淮南天文訓積陰之
寒氣爲水 鹽鐵論秋生冬凝故水生於申 管子水地篇
水者地之血氣如筋脈之通流者也 元中記天下之多者
水焉浮天載地高下無不至萬物無不潤 抱朴子黃帝曰
天在地方水在天下外浮天而載地者水也 物理論所以立
天地者水也吐元氣發日月經星辰皆由水而興又曰九州
之外皆水也 顧子水有四德沐浴羣生深流萬世是仁也
揚清激濁去滓穢是義也柔而難犯弱而難勝是勇也道
江疎河惡盈流謙是智也 韓詩外傳問者曰夫智者何以
樂於水也曰夫水者緣理而行不遺小開似有智者勸而之
說文解字義證 卷三十三 一 連筠移叢書

下似有禮者蹈深不疑似有勇者障防而清似知命者歷險
致遠卒成不毀似有德者天地以成羣物以生國家以寧萬
事以平品物以正此

智者所以樂於水也

準也者水準營相近集韻準數軌切本書灋則也平之如

水從水廣韻水準也釋名水準也準平物也爾雅疏引白

虎通水之爲言準也考工記輔人輔注則利準鄭注故書

準作水栗氏爲量權之然後準之鄭注準故書或作水輪

人水之以眠其平沈之均也釋言坎銓也樊光注坎水也

水性平銓亦平也易繫辭易與天地準鄭注準平也管子

水地篇水者萬物之準也尚書大傳非水無以準萬里之

平淮南齊俗訓視高下不差尺寸明主弗任而來之乎沈

準高注澆準水望之平說林訓水靜則平平則清清則見

物之形弗能匿也故可以爲正尚書帝命驗五府黑曰元

矩注云黑帝汁光紀之府名曰元矩矩法也水精元味能

權輕重故謂之元矩漢書律歷志以井水準其槩李尋傳

水爲準平王道公正修明則百川理落脈通說苑夫水者

平星必平盈不求槩韋昭辨釋名平準令主平物價使相

依準通鑑注準揆平之物漢有水衡官史記有平準書

北方之行者白帖水冠五行之始易說卦坎爲水正義云

取其北方之行也書洪範五行一曰水春秋元命苞水者
天地之包幕五行之始焉萬物之所由生元氣之津液也
詩倪子內經元冥治北方白蟬佐之使主水鴈冠子泰鴻
篇以水流物天下盡水也使居北方主冬子華子北方陰
極而生寒寒生水申鑒北方水也蹈之不沈白虎通水位
在北方北方者陰氣在黃泉之下任養萬物水之為言準
也陰化清濡漢書五行志水北方終藏萬物者也又李守
傳五行以水為本其星元武癸女天地所紀終始所生拖
朴子水行為智為黑一象眾水豈流中有微陽之氣也者
爾雅釋文引作象眾泉茲流苦微陽之氣也本書天賦支
流也俄謂水字中畫從八坎古文作二中畫陽也元命苞
水者元氣之腴液也周語川氣之導也乾坤鑿度水內剛
外柔性下不上恆附於氣也子華子陰之正氣其色黑
水陽也而其伏為陰書洪範正義五行之體水最微



西極之水也從水八聲爾雅曰西至汭國謂四極府
切

西極之水也者廣韻汭西極水名爾雅曰西至汭國謂
四極者釋地文彼作邠釋文邠說文作汭字音同廣韻汭

通鑑楊氏書

西方極遠之國列子湯問篇西行至閼人民猶是也注引爾雅為證漢書司馬相如傳石西極郭璞曰西極國也文穎曰爾雅曰西至於閼國為西極在長安西故言石離騷朝發軔於天津兮夕余至乎西極淮南地形訓西方曰西極之山曰閼闔之門

河

水出焞煌塞外昆侖山發原注海從水可聲

乎哥切

釋名河下也隨地下處而通流也春秋說題辭河之為言荷也荷精分布懷陰引度也孝經援神契河者水之伯上應天漢史記大宛傳于寘之西則水皆西流注西海其東水東流注鹽澤鹽澤謂行地下其南則河源出焉漢書西域傳西域在匈奴之西烏孫之南南北有大山中央有河其河兩原一出蔥嶺山一出于闐于闐在南山下其河北流與蔥嶺河合東注蒲昌海蒲昌海一名鹽澤者也去玉門陽關三百餘里廣袤三百里其水亭居冬夏不增減皆以爲潛行地下南出於積石爲中國河云禹貢導河積石山淮南地形訓河水出崑崙崑崙東北陬貫勃海入禹所導積石山高注勃海大海也河水自崑崙由地中行禹導而通之至積石山海外北經禹所導積石之山河水所入注云河出昆侖而潛

行地下至蔥嶺復出注鹽澤從鹽澤復行南出於此山而爲
中國河遂注海也書曰導河積石言時有壅塞故導利以通
之山西山經積石之山其下有石門河水冒以西流郭注積
石山今在金城河門關西南羌中河小行塞外東入塞內
括地志大積石山在吐谷渾界小積石山在枹罕縣西北
後漢書段熲傳自張掖追西羌且闕且行四十餘日至河首
積石山出塞三千餘里唐書吐谷渾傳石集道宗行空荒
二千里閼月次星宿川達相海上望積石山覽觀河源元
和郡縣志積石山一名唐述山今名小積石在枹罕縣西北
七十里按河出積石山在西南羌中注於蒲昌海潛行地下
出於積石爲中國河故今人目彼山爲大積石山此山爲小
積石山按禹貢導河積石至于龍門又曰導洛自熊耳按洛
水出上洛西山經熊耳之北所言導者皆謂紀所施功不必
自其源也胡渭曰水經崑崙崑崙在西北去嵩高五萬里地
之中也其高萬一千里河水出其東北屈從其東南南流入
於渤海又東與于闐河合南河又東迤于闐北又東北迤扞
彌國北又東迤且末國北北河又東東北流分爲二水枝流出
焉北河自疏勒迤流南河之北又東迤莎車國南又東南迤
溫宿國又東迤姑墨國南又東迤注賓城南又東迤樓煩城
南又東注於渤海又出海外南至積石山下有石門河水冒
見之澤仁集登

以西南流補顧此二計一時一雖一簡又東人寒過敦煌酒泉張掖郡
南按水經敘西域兩源較漢書尤為明備惟是積石一山錯
簡托渤海之下恩嶺之上遂來後人之彈射而不知此非其
本文乃妄庸人之所竄易也春秋釋例河出西平西南二
千里從西平東北經金城故北地朔方五原至故雲中南經
平陽平原東之西界東經河東河內之南界東北經汲郡頓邱
陽平平原樂陵之東南入海稷案此河道與禹貢不同蓋據
當時言之釋水河出崑崙虛色白所渠作千七百一川色
黃百里一小曲千里一曲也物理論河色黃赤眾川之流益濁之
矣河千里而一曲也物理論河色黃赤眾川之流益濁之
也百里一小曲千里一曲也物理論河色黃赤眾川之流益濁之
北流千里折西而行至於蒲山南流千里至於華山之陰東
流千里至於相雍北流千里至於下津河水九曲長九千里
人於渤海史紀殷本紀載湯誥之言曰東為江北為濟西
為河南為淮四瀆已修萬民乃有居博物志四
瀆河出崑崙墟外江出岷山濟出王屋淮出桐柏
水出燁燁寒外崑崙山者山當為虛本書崑崙邱謂之崑
崙虛釋地西北之美者有崑崙虛之珍珠琅玕焉釋水河
出崑崙虛河圖括地象崑崙之墟有五城十二樓河水出
四維多玉水經崑崙墟在西北博物志地部之位起形高

大者有昆侖墟其泉南流入中國名曰河也河圖始開圖
黃帝問風后曰余欲知河之始開風后曰河凡有五皆始
開乎崑崙之墟海內西經海內崑崙之墟在西北山經
敦蒙之山敦蒙之水出焉而西流注於渤海出於崑崙之
東北隅實惟河原郭注即河水出崑崙之墟淮南子崑崙
虛中有增城九重凡此諸說皆備崑崙虛亦或稱邱如西
山經崑崙之邱是實惟帝之下都河水出焉大荒經西海
之南流沙之濱赤水之後黑水之前有大山名曰崑崙之
邱古文苑張河賦崑崙之遐源今於崑崙之神邱是也
其備山者廣韻渤海崑崙山下澤也崑崙山發源注海此
崑崙邱風俗通義河出殷煌塞外崑崙山發源注海此即
據本書之文亦備山為可疑也易林泉出崑崙流為九河
十洲記崑崙陵即崑崙中狹上廣故曰崑崙博物志崑崙出
五色流水東南流黃水入中國為河成公綏大河賦覽百
川之宏壯莫尚美於黃河潛崑崙之峻極出積石之嵯峨
書地理志金城郡河關縣積石山在西南羌中河水行塞
外東北入塞內至章武入海過郡十六行九千四百里禹
貢導河積石至于龍門南至華陰東至于砥柱又東至
于孟津東過洛汭至于大伾北過降水至于大陸又北播

通多義書

為九河同為逆河入于海釋水江河淮濟為四瀆四瀆者
發源注海者也釋名瀆獨也各獨出其所而入海也許敬
宗曰瀆者獨也獨能赴海也淮南說山訓江出岷山河出
昆侖濟出王屋頰出少室漢出蟠冢分流舛馳注於東海
所行則異所歸者一管子水有大小有遠近水出山而流
入海者命曰經水及歸於大水入海者命曰枝水
賈公彥說周禮六書云書有六體形聲實多若江河是左
形右聲鳩鵲是石形左聲草藻是上形下聲婆娑是下形
上聲圃國是外形內聲閭衡咸辨章羸是內形外聲此形
聲之等有六也



澤在昆侖下從水幼聲讀與猷同

於糾切

澤在昆侖下者御覽引作澤在崑崙虛下廣雅猷崑崙山
下澤也水經河水又東注於勃澤酈注卽所謂蒲昌也史
記大宛列傳于真之西則水皆西流注西海其東水東流
注鹽澤鹽澤潛行地下其南則河源出焉鹽澤去長安可
五千里正義漢書云鹽澤去玉門關三百餘里廣表三四
百里其水皆潛行地下南出於積石山為中國河居地志

云補昌海一名勃澤一名鹽澤亦名輔日海亦名穿蘭亦
名臨海在沙州西南漢書地理志敦煌郡正西關外有白
龍堆沙有蒲昌海西山經不周之山北望諸氐之山臨破
嶽崇之山東望勃澤河水所潛也其原渾渾泮泮郭注河
南出昆侖潛行地下至恩嶺出于闐國復分流岐出合而
東流注勃澤已復潛行南出於積石山而為中國河也勃
澤卽蒲澤一名蒲昌海廣三四百里其水停冬夏不增減
去玉門關三百餘里卽河之重源所謂潛行也又長沙之
山泚水出焉北流注於勃水注云水色黑也馱案大荒經
所謂赤水之後黑水之前有崑崙邱者黑水卽勃也西山
經槐江之山邱時之水出焉而北流注於勃水南望崑崙
其光熊魚其氣魂魂馱案經言南望是崑崙在黑水之前
矣

陳

水出發鳩山入於河從水東

磬德紅切

此水當與
潁水相次

水出發鳩山入於河者水經注潁水云潁水又東陳水
注之水西出發鳩山東逕余吾縣故城南又東逕屯留縣

蜜斤楊氏某

故城北又東流注於潭故許慎曰水出發鳩山入關從水
章聲也故案陳水當為涑水章聲當為東聲人關當為人
壺關潭水稻壺關縣故城西也木書今作人於河後人亂
之寰宇記入十川水出潞州長子縣界發鳩山西南合沁
水此川長入十里因名
八十川故謂即涑水



水出廣漢剛邑道徼外南入漢從水密聲

縛牟切

水出廣漢剛邑道徼外南入漢者邑當為氏漢書百官表
縣有蠻夷曰道漢書音義徼塞也以木柵水為蠻夷界地
理志廣漢郡剛氏道涪水出徼外南至墊江入漢過郡二
行千六十九里又涪縣莽曰統陸應劭曰涪水出廣漢南
入漢華陽國志漢中志剛氏縣涪水所出水經涪水出廣
魏涪縣西北南至小廣魏與梓潼水合酈注涪水出廣漢
屬國剛氏道徼外東南流逕涪縣西又東南逕涪水出廣漢
又東南逕南安郡南又南枝津出焉西逕廣漢五城縣為
五城水又西至成都入於江又水經梓潼水出其縣北界
西南入於涪又西南至小廣魏南入於墊江酈注亦言涪
水至此入漢水元和志涪州武龍縣涪江水在縣南屈北
流注於蜀江又云別洪縣有梓潼水與涪江合流急如箭

奔射江口蜀人謂水曰江洪因名
射洪九域志歸州巴西縣有治水

漢

水出廣漢梓潼北界南入墊江從水童磬

徒紅

水出廣漢梓潼北界南入墊江者墊江當為墊木書墊下云
已郡有墊江縣地理志廣漢郡梓潼縣應劭曰梓潼水所出
南入墊江元和志梓潼因梓潼水為名也又云岐江水下
流即梓潼水寰宇記梓潼縣梓潼水出劍州陰平
縣五團山石穴東南經綿州鹽泉縣流入當縣又云開州
新蒲縣墊江水源自縣高梁山東北流於縣南入常渠水

工

水出蜀湔氐徼外嶓山入海從水工磬

古雙

釋名江公也小水流入其中公其也

廣雅江貢也風俗

通江者貢也所出珍物可貢獻也

江源記平康縣有羊腸

嶺大江發源之所馥案賜富為膊李膺益州記羊膊嶺水分

派一東南流為大江一西南流為大渡河寰宇記羊膊山

在平康縣山下有二神湫大江始發之所金履祥尚書注岷

山數百峯大西山為最大雪山峯圖其後冬夏如爛銀一谷

名鐵豹嶺者有西岳廟廟下名羊膊石江水正源也詩四

月泊清江漢南國之紀箋云江也漢也南國之大水紀理眾

川使不滯 禹貢三江既入鄭注左合漢爲北江會彭蠡
爲南江岷江居其中則爲中江故書稱東爲中江者明岷江
至彭蠡與南北合始得稱中也 楊慎曰江出岷山其源實
自蜀西茂萬山來至嘉州而沫水自犍州合大渡河穿夷界
十山以會之至敘州而馬湖江會之又十五里而南廣江會
之至瀘州而內江又自資簡會之至重慶而嘉陵江自利閬
果合等州會之至涪州而黔江合南夷諸水會之至萬縣而
開江水自開達等州會之夫然後總而入峽是江自峽而西
受大水凡八及出峽而下岳陽則會之者洞庭湖所受湖南
北諸水也又自是南下鄢諸則會之者漢口所受興元諸水
也又自是而下黃州東四十五里則會之者巴河也又自是
而下九江則會之者彭蠡今名鄱陽湖所受江東西諸水
也又自是而下則會之者皖水所受淮西諸水也夫然後總
而入海是以白峽而東又受大水凡五畧計天下之水會於
江者居天下之半其名稱之大而可考者凡十有三故曰江
源其出如舊而能消萬里達海所受者衆也 胡渭曰華
陽國志李冰穿郫江檢江檢江卽流江自漢以來皆以郫江
爲沱水流江爲大江水經所敘江水自都安以至成都者攷
其原委皆流江也然流江實非大江江原縣郫水近世謂之
大阜江者則岷江之正流也而班氏以爲首受江故鄭康成

云沱之類鄰與郫俱爲沱而流江於是乎爲大江矣

水出蜀滿氏徼外崙山人海者崙當作臨氏下當有道字地理志蜀郡滿氏道禹貢崙山在西徼外江水所出東南至江都入海過郡七行二千六百六十里胡渭曰江自松潘至泰州行七千九百六十里自泰州至海門入海又四百里通計得八千三百餘里二當作八或是七間若據曰漢志言江行二千二百六十里案水經江水東過夷陵縣南注說宜昌縣流頭灘而引袁山松曰自蜀至此五千餘里上寶晉紀吳使紀陟如魏司馬昭問吳成備幾何對曰西陵至江都五千七百里宜昌今宜都縣杜西陵之東自江發源松潘至此四千四五百里西陵今宜昌府治東湖縣自此至江都不過四千里山松與陟言皆誇然其計亦當有八千餘里二當作八按案過郡七者蜀郡犍爲已郡南郡江夏廬江廣陵也地理志又云會稽毗陵縣江在北東入海又地理志崙山之陽顏注崙山在蜀郡滿氏西江所出經典用岷字禹貢岷山導江家語夫江始於岷山其源可以濫觴郡國志蜀郡滿氏道岷山在西徼外括地志江水源出岷州南岷山南流至益州卽東南流人蜀至瀘州東流經三峽過荊州與漢水合風俗通義江出蜀郡滿

氏徽外岷山入海海內東經岷三江首大江出汶山郛注
今江出汶山郡升遷縣岷山東南經蜀郡犍爲至江陽東
北經巴東建平宜都南郡江夏弋陽安豐至廬江南界東
北經淮南下邳至廣陵郡入海楚詞九章隱岷山以清江
王注岷山在蜀西徼外淮南地彤訓江出岷山東流絕漢
水出岷山在蜀西徼外淮南地彤訓江出岷山東流絕漢
入海左還北流至於間母之北右還東流至於東極高注
問母山名在東海中地彤訓又云何謂六水曰河水赤水
遼水黑水江水淮水注云江出岷山在蜀西徼外荊州記
江出岷山其源若獲口可以濫觴在益州建寧漏江縣潛
行地底數里至楚都遂廣十里陸游入蜀記嘗登岷山欲
窮江源而不可得蓋自蜀郡之西大山廣谷豁豁起伏西
南走蠻箐中皆岷山也則江所從來遠矣范成大吳船錄
江源自西戎來由岷山則江所從來遠矣范成大吳船錄
止自中國言耳或借汶字禹貢岷蟠既藝岷山導江史記
竝作汶海內東經大江出汶山輿地廣記汶山在茂州汶
山縣西俗謂之鐵豹嶺禹之導江發迹於此管子霸形篇
望汶山注云汶音岷岷山江水所從出于華子江之源出
於汶山其大如獲口其流可以濫觴順沿而下控諸羣荆
廣袤數千里方舟然後可以濟此無他故也所受於下流

者非一壑也春秋釋例江水出汶山升遷縣岷山經南郡江夏至廣陵入海元和志大江水一名汶江北自翼州南流經縣乃廣二百步又云茂州汶山縣有汶山岷江六經正誤考工西二里九域志茂州汶山縣有汶山岷江六經正誤考工記貉踰汶則水注汶水在魯北釋文汶音問水名按列子湯問篇鸛鵠不踰濟貉踰汶則水在魯北釋文汶音問水名按列子反鄭元云汶水在魯城北先儒相因以爲魯之汶水皆大誤也按史記汶水與嶧同母中反謂汶江也非音問之汶案山海經大江出汶山郭云東南逕蜀郡東北逕巴東江夏至廣陵入海韓詩外傳云昔者江出於汶山其始也足以濫觴是也又楚辭云隱汶山之清江固可明矣且列子與周禮通言水土異性則遷移有傷故舉四墳以言之案今魯之汶水濶不踰數十丈源不過二百里揚厲皆渡斯須往還豈狐貉暫游生歿頓隔乎說文云貉狐類也皆生長邱陵旱地今江過人云狐不渡江是明踰越大水則傷水性遂致歿也三國志蜀後主至前登觀坂看汶水之流五代史王建貶衛尉少卿李綱爲汶川尉徐無黨注汶讀作岷工啓者本書序形啓者以事爲名取啓相成江河是也



江別流也出嶧山東別為沱從水它聲

徒何切

江別流也者初學記引作陂也從水它聲陂案本書陂沱也益沱有二義一為陂一為江沱今脫陂義出岷山東別為沱者出上當有江字釋水江為沱郭璞音義沱水自蜀郡都安縣嶺山與江別而更流禹貢岷山導江東別為沱毛晃曰按地理志南郡枝江縣江沱在西此荆州之沱也蜀郡郫縣江沱在西北此梁州之沱也凡江水別出皆名為沱此言東別為沱繼於岷山導江之下是江始出而別流者則當在梁州詩言江有沱其荆州之沱歟胡渭曰河渠書蜀守冰穿二江二江一是流江乃水所創造一是郫江即禹貢之沱時必淤淺冰復從而濬之遂并數為一江地理志蜀郡郫縣禹貢江沱在西東入大江括地志繁江水受郫江禹貢曰岷山導江東別為沱源出益州新繁縣通典彭州唐昌縣下云禹貢岷山導江東別為沱沱水在此寰宇記益州沱水在州西南唐隆縣界皂里江是也晉太康地記江沱在新繁縣蕭廣濟注江賦云觸玉壘山東回為沱李膺益州記沱水入都田江胡渭曰郫江即禹貢梁州之沱郫江號北江惟東合湔雒又東南至江陽入江者為禹貢之江沱餘皆後人所穿鑿



江水東至會稽山陰為浙江從水折聲

旨熱切

史記秦始皇本紀至錢唐臨浙江虞喜志林注

錢唐江口浙江正居江中潮水投山下折而曲

江水東至會稽山陰為浙江者江水當作浙江

江出三天子都注云山海經謂之浙江寰宇記引顧野王

云今元康縉雲山是三天子之都今在績谿縣東九十里

案績谿屬安徽今水出安徽黟縣者為漸江流至會稽山

陰為浙江本書脫去漸字遂不知為何江之水矣孔稚圭

北山移文馳妙譽於浙右李善引字書與本書同廣韻浙

江名在東陽玉篇浙發源東陽至錢塘入海地理志丹陽

郡黟縣漸江水出南蠻夷中東入海又石城縣分江水首

受江東至餘姚入海胡渭謂分江水在會稽郡地此水自首受至

馥案丹陽郡故渚郡在漢初屬會稽郡地此水自首受至

人海皆不出會稽一郡即浙江也莊子外物篇自制河以

東釋文制依字應作浙漢書音義晉逝河亦江也北人名

水皆曰河浙江今在餘杭郡後漢以為吳會分界司馬云

浙江今在會稽錢塘馥案浙或作淞論語片言可以折獄

者鄭注魯讀折為制是也海內東經浙江出三天子都

在東在閭西北入海注云案地理志浙江出新安黟縣南

連符後漢書

發中東入海今錢塘浙江是也發卽歛也水經漸江水出
三天子都北過餘杭東入於海酈注山海經謂之浙江也
地理志云水出丹陽黟縣南蠻中呂氏春秋曰越王之柄
於會稽也有酒投江民飲其流而戰氣自倍所投卽浙江
也許慎晉灼竝言江
水至山陰爲浙江

水

水出蜀汶江徽外東南入江從水我聲

五何

水出蜀汶江徽外東南入江者趙宦光曰汶當爲臨臨改
作岷元和志嘉州玉津縣汶江在縣城下水經注江水云
汶水出徽外徑汶江道呂忱曰汶水出蜀許慎以爲汶水
也出蜀汶江徽外從水我聲南至南安入大渡水大渡水
又東入江胡渭曰禹貢和夷底績水經注引鄭說云和夷
和上夷所居之地和水卽汶水和汶聲相近字從而變地
理志云青衣縣禹貢蒙山谿大渡水東南至南安入汶
水出汶江縣徽外南至南安東入江過郡三行三千四十
里汶乃汶字之誤說文汶水出蜀汶江徽外東南入江從
水我聲故知汶當作汶和夷者汶水南之夷也又曰大渡
河卽汶水羊膊嶺卽汶江徽外之山汶水所出水經江水
東南過犍爲武陽縣青衣水沫水從西南來合而注之此

卽二水會泝水入江處也以今輿地言之泝水自茂州徼
外南流經黎大所西折而東經所南又東經建昌南越徼
營北又東經峨景縣南又東至嘉定州南台吉衣泝水又
東入大江此水之南蓋卽經所謂和夷也禹導和夷使入
江而其地已斥績矣或曰何以知不在水北曰古者恒有
和晉故鄭康成賦和爲恒晉地道記云梁州自恒水以南
爲夷書所謂和夷斥績此說是也但不當破和爲恒耳
案玉篇廣韻泝泝並見泝出說文泝出字林而不知爲一
字也我哉易誤尙書洛誥公無困哉
漢書元后傳杜欽傳並引作困我

泝

水出蜀郡緜虢玉壘山東南入江從水前聲一曰手

泝之

子仙切

水出蜀郡緜虢玉壘山東南入江者地理志蜀郡緜虢玉
壘山湔水所出東南至江陽入江過郡三行千八百九十
里又廣漢郡雒縣草山雒水所出南至新都谷入湔郡國
志蜀郡緜虢道注云華陽國志曰有玉壘山出壁玉湔水
所出水經注湔水出緜虢道元和志茂州汶川縣玉壘山
在縣東北四里又云彭州導江縣玉壘山在縣西北二十

說文解字義證

卷三十三

十

連筠移叢書

九里灌口山在縣西北二十六里漢蜀文翁穿灌江溉灌
故以灌口名山九域志茂州汶川縣有玉壘山寰宇記永
康軍導江縣玉壘山瀾水所出郭璞江賦云玉壘作東壁
之標是也李膺益州記云在沈黎郡去蜀城南八百里在
導江縣西北二十九里古文苑蜀都賦瀾山巖巖注云瀾
山瀾水所出一名玉壘山在成都西北晏氏類要玉壘山
瀾水所出或借瀾字鐘約蜀郡王子淵以事到煎上注云
玉壘山在成都西北瀾水出焉亦名瀾山瀾水所經行之
地故名煎上煎與瀾同一日手瀾之者集韻引作手瀾
也廣韻瀾洗也三蒼瀾濯也字林瀾浣也水經注引作半
浣水也半當爲手戰國策汙明見春申君曰君獨無意瀾
被臣也說苑汙辱難瀾漢書武王傳以瀾酒大王顏
注瀾滌也酒濯也魏志華佗傳病若狂腸中便斷腸瀾洗
北史竇泰傳渡河瀾裙產子必易玉燭寶典元日至月晦
士女悉瀾裳酹酒於水瀾以爲度厄通鑑烏承玘說史思
明日若歸款朝廷以白瀾洗易於反掌耳又高仁厚使阡
能諜諸寨中人曰尙書欲拯救瀾洗汝曹注云瀾
滌也亦洗也言百姓爲賊所汚染瀾洗與維新

水

水出蜀西徼外東南入江從水末聲

莫割切

水出蜀西徼外東南入江者史記索隱引云水出蜀西南
徼外與青衣合東南入江馥案徐鍇本亦有南字顏注溪
書溝洫志沫水出蜀西南徼外東南入江文選江賦注引
作水出蜀西塞外東南入江武蓋切九經字樣沫水出蜀
水經沫水出廣柔徼外東南過旄牛縣北又東至越嶲
道縣出蒙山南東北與青衣水合也地理志蜀郡青衣縣禹
出青衣縣西蒙山東與沫水合也地理志蜀郡青衣縣禹
貢蒙山谿大渡水東南至南安入濊案蒙山谿卽水經之
青衣水大渡水卽此沫水二水合流會濊水入江非白人
江也濊水卽濊水續漢書郡國志蜀郡屬國漢嘉下云沫
水從西來史記河渠書蜀守冰鑿離碓辟沫水之害司馬
相如傳西至沫若水索隱張揖曰沫水出蜀廣平徼外與
青衣水合也華陽國志漢嘉縣有沫水音妹又音末蜀都
賦演以潛沫劉逵注有水出岷山之西東流過漢嘉南流
有高山上合下間水經其中曰沫水水潛行曰漢此二水
伏流故曰演以潛沫唐書李德裕傳由清溪下沫水而左
盡爲巒有九域志嘉州龍游縣有沫水寰宇記嘉州羅目
縣大渡河一名沫水在縣南一百八十步末聲者顏注溝
洫志沫音末末之末

溫

水出健為涪南入黔水從水盟聲

切

水出健為涪南入黔水者治當為符地理志健為郡符縣

溫水南至暨入黔水亦南至暨入江顏注黔首紀炎

反酸案涪屬廣漢郡非健為也黔黔涪符音相近水經注

延江水云溫水一日援水出健為符縣而南人黔水黔水

亦出符縣南與溫水會闕馴謂之闕水俱南入黔水黔水

於其縣而東注延江水又云西水北岸有黔陽縣許慎曰

溫水南入黔益暨水以下津流沿注之通稱也故縣

受名焉元和志成都府溫江縣大江俗謂之溫江

潛

水出巴郡宕渠西南入江從水驚聲

切

水出巴郡宕渠西南入江者潛經典借潛字或借潛字書

禹貢沱潛既道地理志作潛史記夏本紀沱潛已道水經

潛水出巴郡宕渠縣又南入於江馥案鄺

氏誤以為禹貢梁州之潛故注多不合

沮

水出漢中房陵東入江從水且聲

切

水出漢中房陵東入江者水經沮水出漢中房陵縣東南

過臨沮縣界又東南過枝江縣東南入於江鄺注云沮水

出東汶陽郡沮陽縣西北景山卽制山首也故淮南子曰
沮出荊山高誘云荊山在左馮翊懷德縣蓋以洛水有漆
沮之名故也斯謬證耳杜預云水出新城郡之西南發阿
山蓋山異名也沮水與漳水合焉又東南逕長城東又東
南流注於江謂之沮口也中次八經制山之首曰景山唯
水出焉東南流注於江注云今睢水出新城魏昌縣東南
發阿山東南至南郡枝江縣入江也初學記云荊州記沮
縣西北半里有雁浮山是山海經所謂景山沮水之所出
也元和志元清縣本漢房陵縣地沮水出縣西南景山東
南入於漢江左傳曰江漢沮漳楚之望也應劭曰沮水出
漢中房陵東入江毛晃曰荊州沮水在房陵左傳所謂江
漢沮漳楚之望也導川云漳沮既從卽雍州之沮也徐鍇
繫傳云王粲所謂
倚曲沮之長洲

漢

益州池名從水眞啓

切都年

益州池名者池徐鍇韻譜作茫馬注禹貢茫湖也廣韻演
池在建寧地理志益州郡漢池縣漢武間之置益州郡有漢池澤
姚州雲南郡蓋夷越之地漢武間之置益州郡有漢池澤
華陽國志南中志滇池縣故滇國也有澤水周迴二百里

所出深廣下流淺狹如倒流故曰滇池長老傳言池中有
神馬或交馬即生駿駒俗稱之曰滇池駒日行五百里
周異物志滇池在建寧界有大澤水周二百餘里水乍深
廣乍淺狹似如倒池故俗云滇也通鑑諸葛亮遂至滇池
注云滇池縣屬益州郡池周四二百餘里水源深廣而未
益淺狹有似倒流故謂之滇池滇音顛或借顛字子虛賦
文成顛歌注云益州顛池縣
其人能西南夷歌顛與滇同

滇

水出益州牧靡南山西北入澗從水余聲

同都切

水出益州牧靡南山西北入澗者本書無澗字當為繩地
理志益州郡牧靡縣南山臘谷涂水所出西北至越嵩人
繩過郡二行千二十里李奇曰靡音麻即升麻殺赤藥所
出也又越嵩郡遂久縣繩水出徼外東至樊道入江又蜀
郡旄牛縣若水南至大犇入繩水經注若水云繩水出徼
外山海經曰巴遂之山繩水出焉東南流分爲二水其一
水枝流東出逕廣柔縣東流注於江其一水南逕旄牛道
至大犇與若水合自下亦通謂之爲繩水矣又云繩水又
東涂水注之水出建寧郡之牧靡南山縣山竝即草以立
名山在縣東北烏甸山南五十里山生牧靡可以解毒百

并方盛鳥多誤會鳥喙口中毒必急飛往牧靡山喙牧靡以解毒也涂水導源臘谷西北流至越嶲人繩戛宇記嶺州臺登縣有繩水

沅水出牂牁故且蘭東北入江從水元啓

愚袁切

水出牂牁故且蘭東北入江者本書無牂字當為何地地理志牂牁郡故且蘭沅水東南至益陽入江過郡二行二千五百三十里顏注牂牁係船伐也華陽國志云楚頃襄王時遣莊躋化夜郎軍至且蘭係船於岸而步戰既滅夜郎以且蘭有係船牂牁處乃改其名為牂牁又武陵郡臨沅縣應劭曰沅水出牂牁入於江郡國志武陵郡臨沅注云荆州記曰縣南臨沅水水源出牂牁且蘭縣至邵界分為五谿故曰五谿後漢書南蠻傳乘船拆沅水入武溪擊之注云沅水出牂牁故且蘭東北經辰州潭州嶽州經洞庭湖入江也海內東經沅水出象郡鉅城縣今屬武陵水嶺西合洞庭中注云象郡今日南也鉅城縣今屬武陵水經沅水出牂牁且蘭縣為旁溝水又東至鉅城縣為沅水東還無陽縣又東北過臨沅縣南又東至長沙下嶺縣西北入於江寢宇記沅水出牂牁故且蘭東北經靈溪長沙

已陵郡入洞
庭通江也

水

水出越嶲徼外東入若水從水奄磬

英麻切

水出越嶲徼外東入若水者玉篇作東南入若水漢志蜀郡旄牛縣鮮水出徼外南入若水若水亦出徼外南至大茝入繩過郡二行千六百里水經淹水出越嶲遂久縣徼外東南至青蛉縣又東過姑復縣南東入於若水鄉注呂忱曰淹水一日復水也復疑復水當為姑復水又案鄉注葉榆水逕姑復縣西與淹水合是淹先會葉榆而後入若也水經若水至會無縣淹水東南流注之鄉注繩水又逕三絳縣西又逕姑復縣北對三絳縣淹水注之三絳一日小會無故經曰淹至會無注若水

水

水自張掖剛丹西至酒泉合黎餘波入于流沙從水

弱磬桑欽所說

而灼切

本書吼下云或曰弱水之所出禹貢導弱水釋文弱本或作溺廣雅崑崙虛弱水出其西南陬入南海楚詞九懷

浮弱水兮舒光哀時命弱水汨其爲難兮路中斷而不通
水經注河水云漢書西域傳黎軒條支臨西海長老傳聞條
支有弱水西王母亦未嘗見自條支乘水西行可百餘日近
日所入也或河水所通西海矣
條支西今弱水在大秦西
唐書高仙芝傳娑夷河弱水也新

水在白張掖剛丹者郡國志張掖郡剛丹弱水出括地志弱
水在張掖縣南山下十道志今張掖有合黎水淮南地志
訓弱水出自窮石至於合黎餘波人於流沙絕流沙南至
南海注云窮石山名在張掖北元和志剛丹縣弱水在縣
南山下胡渭曰案近志弱水出山丹南窮石山離騷
夕次於窮石卽此淮南子云弱水出窮石山也北流逕其
衛西又西北逕甘州衛北又西逕合黎山與張掖河合張
掖河古羌谷水也一名合黎水出衛西吐谷渾界北流逕
張掖縣北合弱水爲張掖河自下通兼弱之目又曰漢志
縣得縣下云驪村驪驪驪驪驪驪驪驪驪驪驪驪驪驪驪驪
延入海過郡二行二千二百里案羌谷水出羌中東北至居
源也其下流與弱水合則弱水入居延海可知矣過郡二
者張掖酒泉也自合黎山至居延海行千五百里其源
而計之則有二千二百里矣就禹貢言出剛丹者爲弱水

之正源出獮得者爲弱水之別源正源主也別源客也志家徇今而忘古達達主客易位故云羌谷水入居延海而刪丹弱水之下則闕而不言讀者以意會可也西至酒泉合黎者禹貢弱水既西鄭注衆水皆東此獨西流故紀其西下也又導弱水至于合黎正義云顧氏云地說書合黎山名鄭元亦以爲山名馥案禹貢山水澤地合離山在酒泉會水縣東北注云合黎山也元和志甘肅張掖縣合黎山俗名要塗山在縣西北二百里禹貢導弱水至于合黎鄭注禹貢云凡言導者發源於上未成流凡言自者亦發源於上未成流凡言至于者或山或澤皆非水名史記夏本紀弱水至於合黎餘波入於流沙正義括地志云合黎一名羌谷水一名鮮水一名覆表水今名副投河亦名張掖河南自吐谷渾界流入甘肅張掖縣今案合黎水出臨路松山東而北流歷張掖故城下又北流經張掖縣二里三里又北流經合黎山折而北流經流沙磧之西入居延海行于五百里集解云鄭元曰地理志流沙居延西北名居延澤地記曰弱水西流入合黎山腹餘波入於流沙通於南海馬融王肅皆言合黎流沙是地名索隱云廣志流沙在玉門關外有居延澤居延城又山海經云流沙出鍾山西南行昆侖墟入海案是地兼有水故一云地名一

云水名馬邨不同亦有由也地理志張掖郡剛丹縣桑欽
以爲道弱水自此西至酒泉合黎腹案欽字君長見漢書
儒林傳唐書以水經爲欽作今水經無此文儒林傳凡安
國數傳至桑欽蓋欽說尙書之文也漢書司馬相如傳經
營炎火而浮弱水兮杭絕浮渚涉流沙應劭曰弱水出張
掖剛丹西至酒泉合黎徐波入於流沙餘波入于流沙
者禮記王制自西河至流沙千里而遙楚詞招魂西方之
害流沙千里些注云流沙沙流而行也尙書曰餘波入於
流沙地理志居延縣居延澤在東北古文以爲流沙元和
志居延海卽居延澤占文以爲流沙者風順流行故曰流
沙禹貢山水澤地流沙地在張掖居延縣東北卽注尙書
所謂流沙者也形如月生五日也弱水入流沙流沙與
水流行也廣志流沙在玉門關外南北二千里東西數百
里有三斷石曰三龍晉書地理志西海郡居延澤尙書所
謂流沙也周書鄯善西北有流沙數百里唐書西域傳吐
谷渾西北有流沙數百里通典合黎水弱水拉在張掖縣
界其北又有居延澤卽古流沙地又云燉煌卽古流沙地
其沙風吹流行五代史晉天福三年高居誨使于闐還言
白靈州過黃河三十里始涉沙入党項界曰細腰沙神
樹沙至三公沙自此沙行四百餘里至黑堡沙沙尤廣

灃

水出隴西臨洮東北入河從水兆聲

上刀切

涇

水出安定涇陽并頭山東南入渭雖州之川也從水

涇聲古靈切

廣雅涇涇也詩六月侵鎬及方至于涇陽元和志雲陽

縣本漢舊縣屬左馮翊大雅曰渭彼涇舟烝徒楫之邶風曰

渭以渭濁湜湜其沚皆禹貢之涇水也水經無涇水之目渭

州禮雍州其川涇納詩大雅曰渭彼涇舟烝徒楫之邶風曰

水出安定涇陽阡頭山者地理志安定郡涇陽縣阡頭山在西禹貢涇水所出東南至陽陵入渭過郿三行千六十

里雍州川顏注晉書見反又音牽此山在今靈州東南
土俗語訛謂之田屯山馥案六十里鄭注尚書引作六百
里又案并括地志作竿輿地志作雞竝與顏讀異史記五
帝本紀西至於空桐登雞頭索隱山名也後漢王孟塞雞
頭道在隴西一曰空桐山之別名正義括地志云竿頭山
一名崆峒山在原州平高縣西百里禹貢涇水所出輿地
志云或卽雞頭山也淮南地低訓涇出薄落之山高注薄
落之山一名竿頭山在安定臨涇縣西廣雅薄落謂之杆
頭寰宇記雍州長安縣涇水出薄落山括地志涇水源出
原州百泉縣西南竿頭山涇谷後漢書隗囂傳王孟塞雞
頭道注云雞頭山道也雞或作竿岡經竿頭山在涇陽西
禹貢涇水所出淮南子云薄落山一名竿頭山水經注云
大隴之山異名耳莊子謂廣成子學道於崆峒山未詳孰
是今此見有柏堂在山顶上不知何代所置也後漢書隗
囂使王孟塞雞頭道謂此山也通典涇水出今平涼郡平
高縣元和志并頭山一名崆峒山在縣西一百里卽黃帝
謁廣成子學道之處又不涼縣下云涇水源出縣西南涇
谷南流經都盧山山路之中常如彈竿之聲故行旅因謂
之彈竿峽九域志渭州平涼縣有竿頭山涇水寰宇記原
州百泉縣漢朝那縣地涇水源出縣西南涇谷又渭州平

源縣可藍山一名都盧山皆涇水源與千頭山相連耳又
涇州保定縣彈箏峽在原州百泉縣界都盧山涇水所出
南流山谷之閒水聲清響有如彈箏東南入渭者水經
注渭水云涇谷水東北流注於渭海經曰涇谷之山涇
水出焉東南流注於渭是也急就篇涇水注渭街街曲顏
注涇水出安定汧頭山至陽陵而入渭禹貢涇屬渭汭鄭
注涇水渭水發源皆幾二千里然而涇陽西汧頭山東南至
入於河地理志云涇水出今安定涇陽西汧頭山東南至
京兆陽陵行千六百里入渭詩谷風涇以渭濁傳云涇渭
相入而清濁異箋云涇水出安定有渭故見渭濁成十三年左
傳師還濟涇杜云涇水出安定東南經扶風京兆高陵縣
入渭也襄十四年傳及涇不濟釋例涇水出安定朝那縣
西東南經新平扶風至京兆高陵縣入渭漢書司馬相如
傳出入涇渭顏注涇水出安定涇陽汧頭山東至陽陵入
渭西山經高山涇水出焉而東流注於渭海內東經涇水
出長城北山北入渭郭注今涇水出安定朝那縣西筭頭
山東南經新平扶風至京兆高陵縣入渭三輔黃圖涇水
出安定涇陽汧頭山東至陽陵入渭三秦記涇渭合流三
百里清濁不雜離州之川也者馬融賦方氏正西曰雍
州其川涇汭注云涇渭陽積案本書載賊方氏之凌其書
見之陳氏箋登

川者惟此一見
疑後人加之



水出隴西首陽渭首亭南谷東入河從水胃聲杜林

說夏書以為出鳥鼠山隴州浸也

云貴切

廣雅渭謂也 春秋說題詞
渭之為言布也渭渭流行貌

水出隴西首陽渭首亭南谷者廣韻秦始置隴郡後魏置

渭州水經渭水出隴西首陽縣渭首亭南鳥鼠山東入於

河注云渭水出首陽縣首陽山渭首亭南谷山在鳥鼠山

西北此縣有高城嶺嶺上有城號渭源城渭水出焉通典

渭水出今隴西郡渭源縣渭源縣志鳥鼠山在縣西二十

里又西五里為南谷山東入河者地理志渭水東至船

司空入河高注淮南地形訓渭水東會於澧又入河春秋

閔二年虢公敗犬戎於渭汭釋例曰渭水出隴西狄道縣

鳥鼠同穴山東經南安天水洛陽扶風始平京兆至宏農

華陰縣入河西山經鳥鼠同穴之山渭水出焉而東流注

於河海內東經渭水出鳥鼠同穴山東注河郭云鳥鼠同

穴山今在隴西首陽縣渭水出其東經南安天水畧陽扶

渭為雍州
川似誤



水出隴西柏道東至武都為漢從水荒聲

余亮切

水出隴西柏道東至武都為漢者楊君峒曰隴道元所見
本作獮道獮以聲誤為桓桓又以形誤為相宋本及小字
因志屬漢陽亦非隴西不知何由誤也地理志屬天水郡
道禹貢蒼水所出至武都為漢郡國志隴西郡氏道蒼水
出北鄉注禹貢澧水出隴西氏道至武都為漢郡氏道
出嶓冢水經澧水出隴西氏道嶓冢山東至武都沮縣
為漢水又東南至廣魏白水縣西又東南至葭萌縣東北
與羌水合又東南過已郡閬中縣又東南過江州縣東北
南人於江隴云常璩華陽國志曰漢水有二源東源出武
都氏道縣嶓冢山為漾水禹貢導漾東流為漢是也西源出
隴西縣嶓冢山會白水逕葭萌入漢始源曰沔案沔水
出東狼谷逕沮縣人漢漢中記曰嶓冢以東水皆東流嶓
冢以西水皆西流即其地勢源流所歸故俗以嶓冢為分
水嶺即此推沔水無西入之理劉澄之云有水從阿陽縣
南至梓潼漢壽入大穴暗通岡山郭景純亦言是矣岡山

穴小本不容水水成大澤而流與漢合庾仲雍又言漢水
自武遂川南入陵葛谷越野牛逕至關城合西漢水故諸
言漢者多言西漢水至葭萌入漢又曰始源曰沔是以經
云漾水出氏道縣東至沮縣爲漢水東南至廣魏白水診
其沿注似與三說相符而宋極西漢之源矣然東西兩川
俱受沔漢之名者義或在此矣班固地理志司馬彪袁山
松郡國志並言漢有二源東出氏道西出西縣之嶓冢山
闕駟云漢或爲漾漾水出崑崙西北隅至氏道重源顯發
而爲漾水又言隴西西縣嶓冢山在西漢水所出南入
廣魏白水又云漾水出嶓冢山東至武都入漢許慎呂忱並
言漾水出隴西嶓冢山東至武都爲漢水不言氏道然嶓道
在冀之西北又附諸川無水南人疑出嶓道之爲謬矣又
曰漢漾也東爲滄浪水山海經曰嶓冢之山漢水出焉而
東南流注於江然東西兩川俱出嶓冢而同爲漢水者也
孔安國曰泉始出爲流其猶滄浪而常時專爲漾山流水
當是作者附而爲山水之殊目矣川流隱伏卒難詳照地
理潛閭變通無方復不可全言闕氏之非也雖津流派別
枝渠勢懸原始要終潛流或一故俱受漢漾之名納方土
之稱是其有漢川漢陽廣漢漢壽之號或因其始或據其
終雖異名互見猶爲漢漾矣川其曰殊或亦在斯魏地形

志華陽郡嶓冢縣有嶓冢山漢水出焉庾仲雍漢水記漢水出廣漢漢水出嶓冢東流至武都而與漢水合巴漢志漢水二源東源出縣之善山名善西漢出隴西之嶓冢山會白水經葭萌入漢始源曰漢沔故曰漢沔梁州記漢水發源隴西之氏道嶓冢山南都賦注漢水源出隴西嶓冢山經武都至武都山歷南陽界出沔口入江元和志嶓冢山狂興元府金牛縣東二十八里漢水出焉經南鄭縣南去縣一百步禹貢嶓冢導漾東流為漢是也寰宇記三泉縣本漢葭萌縣地漢水一名漢水一名沔水源出縣東二十里嶓冢山今縣南有故漾水關即漢李固解即綏處通鑑劉璋將扶禁帥萬餘人由閬水上注云閬水即西漢水禹貢所謂嶓冢導漾東流為漢者也黃度曰漢有沔漾之名皆東漢水也地理志西漢水出西縣嶓冢山南入廣漢白水蓋潛漢也經不著其所出自古皆以為東西兩漢俱出嶓冢則或然矣而西漢周無沔漾之名地理志漾水出隴西氏道至武都為漢武都東漢水受氏道水名沔則是沔漾俱為東漢矣獨氏道武都服絡不通川渠阻隔武都受漾為不可據而桑欽遂徙氏道流水為西漢之源由是愈紛錯酈道元委曲遷就通之以潛伏之流證之以難驗之論更覺齟齬故當廢諸說而一之以經文杜佑通典秦

州上邽縣蟠冢山西漢水所出經嘉陵曰嘉陵江經閬中
口閬江漢中金牛縣蟠冢山禹導漾水東流為漢水亦曰
沔水其說為可據新城王尚書蜀道驛程記出沔縣西門
曲折行亂山中沔水流經其中至金牛驛北望見蟠冢山
一小水自西東流卽所謂蟠冢導漾者也合五丁峽東流
為沔水自寧羌州行十里渡水過百半關關下有分水嶺嶺
東水皆北流至五丁峽北合漾水入沔嶺西水皆南流逕
七盤關龍洞合嘉陵水為川江常璩言沔出蟠冢合白水
為西漢明與導漾之文相悖閬若璩曰氏道無考參以元
和志鳳州兩當河池二縣並云永嘉之後地沒氏羌縣名
絕矣晉永嘉末氏人楊茂搜自號氏王據武都自後郡縣
荒廢則氏道縣之不知所在豈得已哉然郭璞注山海經
蟠冢今在武都氏道縣南常璩撰漢中志東漢水出武
都氏道又並隸氏道於武都郡與漢制不同閬氏又曰班
志最亂道者武都縣下注東漢水受氏道水七字試問漢
武都縣為郡治傍仇池山遠在東漢發源處三四百里之
上豈有反下受漾水之理胡渭曰漢志隴西縣下云禹
貢蟠冢山西漢水所出南入廣漢白水東南至江州入江
過郡四行二千七百六十里此與氏道管水全無交涉水
經非一時一手作漾水篇首云漾水出隴西氏道縣蟠冢

山東至武都沮縣爲漢水此不過依漢志氏道一條以立
文惟加蟠冢沮縣爲不同耳其所謂漢水卽東漢也亦與
西縣之西漢全無交涉及觀下文東南逕白水葭萌關中
至江州入江則又確是西漢水與武都一條全無交注矣
首尾橫決必魏晉間人所續也胡氏又曰蟠冢山孔傳不
言所狂之郡縣而正義引地理志以實之曰隴西郡西縣
蟠冢山西漢水所出夫此水卽嘉陵水之上源非禹貢之
所謂蟠冢導漾東流爲漢者也而班固以西縣之蟠冢爲
禹貢之蟠冢謬矣自是以後言蟠冢者率依班氏如張衡
西京賦云終南太一連岡乎蟠冢潘岳西征賦云而終南
而背雲陽跨平原而連蟠冢玩其辭意皆主隴西而言司
馬彪郡國志亦云漢陽郡西縣有蟠冢山無異議也白後
魏正始中析沔陽地置蟠冢縣以表其山而名始著酈道
元幸於孝昌二年上距正始置縣之時凡二十餘歲本朝
典故生所親見而注水經不言豈事在成書之後不及追
改抑亦因其晚出而疑之乎然漾水注引漢中記曰蟠冢
以東水皆東流蟠冢以西水皆西流故俗以蟠冢爲分水
嶺作者亦似知班氏之謬而以禹貢蟠冢爲當在漢中也
者不然於漢中記奚爲詳及隴西之山邪由此觀之則魏
收以前已有知蟠冢在漢中者不待地形志出而後知也

穎達豈未之考乎然班志雖以西縣嶓冢爲禹貢之山而
養水則自紫氏道之下不言出某山白水經云漢水出氏
道縣嶓冢山而氏道亦有嶓冢矣常璩華陽國志云東源
出武都氏道縣嶓山爲漢水而氏道之嶓冢且有漢山之
日矣郭璞注山海經云嶓冢今在武都氏道縣南鄉注水
經云東西兩源俱出嶓冢而同爲漢水則似一山跨二縣
之境而在西縣者爲西源在氏道者爲東源矣輾轉迷
愈久愈訛說經者不能出其窠臼而禹貢之嶓冢幾不可
問矣西縣故城在秦州西南常璩郭璞皆云氏道屬武都
而晉志武都郡無之則此縣之不可考久矣要之二縣在
隴西皆古雍州域也而禹貢嶓冢乃梁州之山不應闌入
雍域故惟魏收所言爲得其實又曰禹貢以嶓冢繫梁州
而漢志嶓冢在雍域之隴西一誤也禹貢云嶓冢導漢而
漢志以嶓冢所出爲西漢水其漢水則出氏道二誤也禹
貢之潛乃漢水枝津西出爲西漢水而漢志西漢水出西
縣之嶓冢三誤也漢志不言漢水出何山而水經云出氏
道縣嶓冢山是氏道亦有嶓冢四誤也漢水出嶓冢而
嶓水經者以西漢接漢水爲一川五誤也漢水出嶓冢而
東入西鄉注從舊說云西漢水至葭萌入漢六誤也川流
離合地上灼然可見而鄉注惑闕駟之說以爲原始要終

潛流或一故東西俱受漢流之名七誤也羣言淆亂學者
靡所折衷今說漢水當排棄諸家專主禹貢以沮沔爲漢
之別流以西漢爲漾之枝津而氏道水則存而不論是亦
理亂絲解連環之術也又曰氏道漾水至武都爲東漢水
卒莫有能言其所經者今案郾注濁水出濁城北東流與
丁令溪水會又東逕武街城南又東宏休水注之又東逕
白石縣南又東南渥陽水注之又東南與仇鳩水合又東
與河池水合又東南兩當水注之水出陳倉縣之大散嶺
西南流入故道川謂之故道水西南逕故道城東又西南
入廣業郡界與沮水枝津合謂之兩當溪水又西南注於
縣之沮水瀆西南流注於兩當溪又西南注於濁水濁水
南逕槃頭郡東南而南合鳳溪水又東注於漢水觀此文則
漢志以沮水枝津上承氏道水下爲東漢水可知也氏道
雖未詳其處所以地望度之當在西縣之東河池之西上
邽之南下辨之北濁水所受有丁令溪水宏休水渥陽水
皆出其北蓋自氏道來也其中或有漢志所謂養水者但
今無可攷耳然沮水枝津上承沮瀆自東入西非自西入
東也昔之觀水作記者不察地勢之高下不辨川流之去
來遂以爲氏道養水合濁水兩當溪由枝津以達沮沔是
爲東漢之源而不知其非也班固因之故有此誤水經於

武都下加沮縣二字蓋亦以氏道水下通沮水為東漢之
源也然漢志不言養水出何山而水經復附會之曰嶓冢
則氏道亦有嶓冢山矣常璩知其非是故又因水以名其
山曰嶓山而為之殊目要之氏道水所出別是一山非嶓
冢也近世言漢水者皆知班固之誤而不知其誤所由來
故詳著其原委如此又曰案通典嶓冢山有二一在天水
上邽一在漢中金牛雍大記云西漢水在西和縣源出嶓
冢山西流與馬池水合此乃上邽之嶓冢在今秦州又云
漢江源出沔縣嶓冢山東流入金州此乃金牛之嶓冢禹
貢嶓冢導漾乃沔縣之嶓冢非秦州之嶓冢知嶓冢有二
則東西二漢源流各自了然漾之與沔
本為一流與隴西之嶓冢都無交涉

笑

古文從養

禹貢鄧本史記夏本紀並作漾地理志
作養顏注養音弋向反字本作漾或作漾

漾

漾也東為滄浪水從水難省聲

呼肝切

廣雅漢造也十道志江漢二水會於鄂州之西界元
和志裴秀云漢氏釋淮水改秩漢水為四瀆以其國所氏

漢也者禹貢嶧冢導滌東流爲漢傳云泉始出山爲滌水東南流爲泗水至漢中東流爲漢水地理志隴西郡西縣禹貢嶧冢山西漢所出南入廣漢白水東南至江州入江過郡四行二千七百六十里復案過郡四者隴西武都廣漢巴郡也郡國志漢陽郡西縣故屬隴西有嶧冢山西漢水莊四年左傳漢汭釋例云漢出武都沮縣經襄陽至江夏安陽縣入江倍四年傳漢水以爲池杜注漢水出武都至江夏南入江西山經嶧冢之山漢水出焉而東南流注於河郭注嶧冢今在武都氐道縣南至江夏安陸縣入江卽河水海內東經漢水出鮒魚之山郭注書曰嶧冢導滌東流爲漢案水經漢水出武都沮縣東狼谷經漢中魏興至南鄉東經襄陽至江夏安陸縣入江別爲河水又爲滌浪之水淮南地形訓漢出嶧冢高注嶧冢漢陽縣西界漢水所出南入廣漢東南至雒州入江博物志漢出嶧冢括地志漢水源出梁州金牛縣東二十八里嶧冢山華陽國志漢中志漢有二源東源出武都氐道流山因名漢西貢流流爲漢是也西源出隴西嶧冢山曾白水經葭萌入漢始源曰河故曰漢河地形志華陽郡嶧冢縣有嶧冢山漢水出焉元和志秦州上邽縣嶧冢山在縣西南五十八里滌水之所出也東流爲漢水又金牛縣本漢葭萌縣地嶧

冢山在縣口二十八里漢水所出黃度曰漢有沔澧之名
皆東漢水也陸游曰嘗登嶓冢山有泉涓涓出山閒是爲
漢水之源通典天水郡上邽縣嶓冢山西漢水所出今經
嘉陵曰嘉陵江經閬中曰閬中江漢中郡金牛縣地有嶓
冢山禹導澧水至此爲漢水亦曰沔水顏師古云漢上曰
沔故案西漢出上邽之嶓冢東漢出金牛之嶓冢分屬二
郡遠不相涉蓋因東漢出於嶓冢俗以西漢所出之山亦
名嶓冢後人不知有兩嶓冢故諸說多誤惟通典可據周
禮職方氏荊州其川江漢林之奇曰江漢發源梁州而職
方爲荊州川則荊亦兼梁地東爲滄浪水者顏注地理
志云澧出隴西氏道東流過武關山南爲漢出荊山東南
爲滄浪之水卽漁父所歌者也水經注沔水云漢水中有
洲名滄浪洲庾仲雍漢水記謂之千齡洲非也是世俗語
禹音與字變矣地說曰滄浪之水清兮可以濯我纓滄浪之
近楚都故漁父歌曰滄浪之水清兮可以濯我纓滄浪之
水濁兮可以濯我足余按尙書禹貢言導澧水東流爲漢
又東爲滄浪之水不言過而言爲者明非他水決入也蓋
漢河自下有滄浪通傳爾雅縈絡鄂郢地連紀鄴咸楚都矣
漁父歌之不遠水地考按經傳宜以尙書爲正爾古文苑
漢津賦發源自平嶓冢引澧澧而東征又云願垂流以上

下竊滄浪乎三澨元初山川記夏水古文以爲滄浪卽魚父所云滄浪之水情今滄浪水合流出鐔城北界山此蓋後人名之非古滄浪也禹貢鄭注滄浪之水今謂之夏水來同故世變名焉庾仲雍漢水記云武當縣西四十里漢水中有洲名滄浪洲也史記索隱馬融鄭元皆以滄浪爲夏水卽漢河之別流也漁父歌曰滄浪之水清兮可以濯我纓是此水也荊州圖經武當縣西北四十里有滄浪洲長四里廣十三里禹貢稱漢水東流爲滄浪水疑此洲是也元和志均州武當縣漢水去縣西北四十里水中有洲名滄浪洲則禹貢云又東爲滄浪之水寰宇記漢陽縣漢水一名沔水西自漢川縣界流入劉澄之元初山川記云河口古文以爲滄浪水卽屈原遇漁父所云滄浪之水是也林之奇曰張平子南都賦流滄浪而爲隍廓方城而爲壙李善注引左氏傳屈完所謂楚國方城以爲城漢水以爲池則是滄浪卽漢水也蓋漢水至於楚地則其名爲滄浪之水也

古文

滄浪

滄浪水也南入江從水良聲

來宕切

滄浪水也者括地志均州武當縣有滄浪水隋圖經漢水經琵琶谷至滄浪洲卽漁父棹歌處九域志鼎州龍陽縣有滄浪水寰宇記均州鄖鄉縣有滄浪洲南入江者永初山川記河口古以爲滄浪水屈原遇漁父處括地志嶠冢山水始出山沮洳故曰沮水東南爲潛水又爲沔水至漢中爲漢水至均州爲滄浪水始欲出大江爲夏口又爲沔口漢江一名沔江也通鑑地理通釋漢入江處謂之沔口廣輿記沔口在漢陽府城西



水出武都沮縣東狼谷東南入江或曰入夏水從水

可聲彌克切

水出武都沮縣東狼谷者郡國志武都郡沮縣沔水出東狼谷地理志武都郡沮縣沮水出東狼谷南至沙羨南入江過郡五行四千三百里荆州元和志興州順政縣本漢沮縣地沮水出縣東北八十二里以其初出沮洳然故名沮水寰宇記興州順政縣本漢沮縣地沔水一名沮水源出縣東北八十二里山谷下通典興州順政縣地沔水發源於此一名沮水胡渭曰漢郊祀志秦祠沔於漢中地理志漢中有沔陽縣武都下云東漢水一名沔則沔漢耳稱其

來已久而沮縣下又云沮水出東狼谷南至沙羨南入江
荊州川按周禮荊州川曰江漢而無沮是沮卽沔也胡氏
又曰沔水一名沮水出武都沮縣東狼谷東南流至沮口
與漾水合漾於是兼有沔稱故傳云漢上曰沔凡水有隨
地異名者漾東流爲漢又東爲滄浪之水是也有因他水
決入而互受通稱者漢上曰沔是也廣韻沔漢水別名博
物志沔出月台郭注方言云沔水今在襄陽禹貢迥于沔
鄭注或謂漢爲沔漢書郊祀志沔祠漢中顏注沔漢水之
上名也後漢書岑彭傳彭乃潛兵度沔水注云沔水源出
武都東狼谷中卽漢水之上源也梁州記漢發源隴西氏
道縣之嶓冢山東至於夏口合江縣帶四州之域經遂五
千餘里謂之沔水水經沔水出武都沮縣東狼谷中東南
逕江夏雲杜縣東夏水從西來注之又南至江夏沙羨縣
北南入於江鄴注沔水一名沮水關駟曰以其初出沮水
然故曰沮水也縣亦受名焉又東南逕沮水戍而東南流
注漢曰沮口所謂沔漢者也尚書曰嶓冢導漾東流爲漢
山海經所謂漢出嶓冢山也東北流得嶓冢水口庾仲雍云
是水南至關城合西漢水漢水又東北合沮口同爲漢水
之源也故如淳曰此方人謂漢水爲沔水孔安國曰漾水
東流爲沔蓋與沔合也至漢中爲漢水是互相通稱矣

東南入江者地理志武都郡武都縣東漢水受氏道水一名沔過江夏謂之夏水入江應劭曰沔水出武都東南入江又曰沔水自江別至南郡華容為夏水過郡入江故曰江夏禹貢傳云漾東南流為沔水至漢中東流為漢水正義應劭云沔水自江別至南郡華容縣為夏水過江夏郡人江既云江別明與此沔別也依地理志漢水之尾變為夏水是應劭所云沔水下尾亦與漢合乃入於江也或曰入夏水者鄭注尚書引地理志漢水至武都為漢至江夏謂之夏水馥案即此沔水然夏人沔非河人夏漢志南郡華容夏水首受江東入沔水經河水過江夏雲杜縣東夏水從西來注之又夏水云夏水東至江夏雲杜縣入於沔縣注鄭元注尚書滄浪之水言今謂之夏水永初山川記夏水古文以為滄浪因此言之水應由沔今按夏水是江流沔非沔入夏假使沔注夏其勢西南非尚書又東之文余亦以為非也

沔

水出金城臨羌塞外東入河從水皇磬

乎光

水出金城臨羌塞外者地理志金城郡臨羌縣西北至塞外有西王母石室僊海鹽池北則湟水所出趙充國傳先

零豪言願時渡湟水北顏注湟水出金城臨羌塞外東入河後漢桓帝紀段熲擊當煎羌於湟中注云湟水名在今鄯州湟水縣寰宇記鄯州湟水縣四望山有水出其陽一名湟河亦謂桑都水西自吐谷渾界入漢破匈奴取西河地間湟中處月氏即此湟水東入河者地理志湟水東至允吾入河元和志湟水出青海東北亂山中東南流至蘭州西南入黃河

汗

水出扶風汗縣西北入渭從水汗聲

苦堅切

水出扶風汗縣者當如漆下稱石扶風地理志石扶風汗縣吳山在西古文以為汗山雍州山北有蒲谷鄉弦中谷雍州弦蒲藪汗水出西北入渭蒲水出西北東入渭詩芮圻雍州川也郊祀志汗洛二淵為小山川後漢書隗囂傳復使來欲至汗注云汗水名因以為縣屬右扶風釋水汗出不流郭云水泉潛出便白停成汚池郡疏云以其初出不流停成弦蒲澤數故目汗出不流也水經注汗水出汗縣之蒲谷鄉弦中谷決為弦蒲藪爾雅曰水決之澤為汗三輔舊事初秦都渭北渭南作長樂宮橋通二宮開表河以為秦東門表汗以為秦西門二門相去八百里闕駟十

三州志汧水出汧縣西北九域志隴州汧源縣有汧水酸
案卽今之汧陽河也字或作岍禹貢導岍及岐釋文岍字
又作汧史記夏本紀道九山汧及岐索隱汧一作岍按有
汧水故其字或從山或從水猶岐山然也餽案山四水得
名當作水旁括地志汧山在隴州汧源縣西六十里其山
東鄰汶岫西接隴岡汧水出焉西北入渭者水經注汧
水又東南逕隴西接隴縣故城南歷慈山逕
都夷縣平陽故城南又東流注於渭



水出扶風郿北入渭從水勞聲

切魯刀

水出扶風郿者當稱石扶風郊祀志新產豐潏潏渭長水
皆不在大山川數顏注豐潏出郿元和志郿縣牛頭山在
縣西南二十三里南接終南相上林苑中西京賦云統黃
山而款牛首是也潏所自出播岳關中記涇渭霸澧豐鎬
潏潏上林賦所謂八川分流也史記司馬相如傳作潏字
索隱姚氏云潏或作潏北入渭者水經渭水又東過槐
里縣南又東潏水從南來注之郿注潏水出南山潏谷北
逕漢宜春觀東又北逕郿縣故城西北注甘水而亂流入
於渭顏注漢書司馬相如傳潏音平水名也出郿縣西南
山潏谷而北流入於渭史記索隱引姚氏曰潏水出郿縣

說文解字義證

卷三十三

美

連筠移叢書

北注

渭

漆

水出右扶風杜陵岐山東入渭一曰入洛從水秦聲

親吉切

主篇有古文作漆穆天子傳天子舍于漆澤

水出右扶風杜陵岐山者杜陵當為杜陽水經漆水出扶

風杜陽縣俞山東北入於渭鄠云山海經曰潏大之山漆

水出焉北流注於渭蓋自北而南矣尙書禹貢太史公出

本紀云導渭水東北至涇又東過漆沮入於河孔安國曰

漆沮一水名矣亦曰洛水也出馮翊北周太王去邠度漆

踰梁山止岐下故詩云民之初生自土沮漆又曰率西水

濟至于岐下是符禹貢本紀之初生自土沮漆又曰率西水

扶風杜陽縣岐山東入渭從水秦聲又云一曰漆城也

潘岳關中記曰關中有涇渭潏澹鄠漆沮之水鄠鄠漆

沮四水在長安西南鄠縣漆沮皆南注鄠鄠水北注周山

岡曰肥山西北有溫池溫池西南八十里岐山在杜陽北

長安西有渠謂之漆渠功同地理志云漆水在漆縣西關

渠十三州志又云漆水出漆縣西北至岐山東入渭今有水出杜陽縣岐山北漆溪謂之漆渠西南流注岐水但川土音異今說互出考之經史各有所據議淺見浮無以辨之矣又云十三州志曰禹翊萬年縣西有涇渭北有小河謂漆水也又注渭水云雍水又東南流與橫水合水出杜陽山其水南流謂之杜陽川東南流左會漆水水出杜陽縣之漆溪謂之漆渠故徐廣曰漆水出杜陽之岐山者是也書禹貢漆沮既從澧水攸同傳云漆沮之水已從人渭澧水所同同之於渭又又東過漆沮入于河傳云漆沮二水名亦曰洛水出馮翊北正義地理志云漆水出扶風漆縣依十三州記漆水在岐山東入渭則與漆沮不同矣此云會於涇又東過漆沮是漆沮在太皇陵東南濁水入焉俗水一名漆沮水經云鄭渠在太皇陵東南濁水入焉俗謂之漆水又謂之漆沮其水東流注於洛水志云出焉別也彼漆即扶風漆水也詩縣自土沮漆傳云沮水漆水也又潛猗與漆沮傳云漆沮岐周二水也史記夏本紀漆沮既從索隱漆水出石扶風漆縣西地理志扶風郡漆縣下云水在縣西不言所出蓋謂縣以水得名非謂水出於此縣也杜陽下云杜水南入渭顏注大雅縣之詩曰人之

初生自土沮漆齊詩作自杜言公劉避狄而來居杜與漆
沮之地郡國志石扶風漆縣有漆水注云地道記曰水在
靈西耿合傳屯兵於漆注云漆縣名屬石扶風故城在今
幽州新平縣也漆水在西晉書地理志新平郡漆縣漆水
在西晉書地道記漆水在西晉書地理志新平郡漆縣漆水
漆水源出縣東南漆溪馬氏名物疏漆水出自鳳翔府麟
游縣西普潤廢縣故漢漆縣也流經岐山北大嶺水自西
北注之與杜水合齊詩所謂自杜沮漆是也胡渭曰扶風
有二漆水漢志漆縣下云水在縣西不言其所出入水經
云出杜陽縣俞山東北入於渭說文云出杜陽岐山東入
渭關駟云出漆縣西北岐山東入渭關道元云周太王去
邠度漆踰梁山止岐下故詩曰民之初生自土沮漆又曰
率西水潄至于岐下此一漆也關駟云有水出杜陽縣岐
山北漆溪謂之漆渠西南流注岐水酈道元云杜水出杜
陽山東南流合漆水水出杜陽之漆谿謂之漆渠南流合
岐水至美陽縣注於雍水隋志扶風普潤縣有漆水此又
一漆也元和志云漆水在新平縣西九里北流注於涇今
麟游縣東南亦有漆水與此異寰宇記云按注水經曰漆
水自宜祿界來又東過漆縣北卽今邠州所治也今縣西
九里有白土川東北流經白土原東陳陽原西又東北注

涇水恐是漢之漆水但古今異名耳麟游之漆水南流與
杜陽水合非漢之漆水也胡氏又曰詩大雅自土沮漆傳
云沮水漆水也周頌猗與漆沮傳云漆沮岐周二水也此
皆謂扶風之漆沮程大昌雍錄謂禹貢漆沮惟富平后川
河正當其地確不可易東入渭者水經漆水出杜陽縣
南山東北人於渭十三州志漆水出漆縣西北岐山東入
渭括地志漆水源出岐州普潤縣東南岐山漆溪東入渭
西山經綸次之山漆水出焉北流注於渭詩地理考引段
氏曰漆沮有二皆出雍州東入於渭特上有上流下流之別
詩漆沮入於渭之上流書漆沮入於渭之下流一曰入
洛者會洛入渭也十三州志漆沮即洛水水經渭水又東
過華陰縣北酈注洛水入焉酈駟以爲漆沮之水也地理
志漆沮既從酈注漆沮即馮翊之洛水也又五行志引史
記周幽王二年三川皆震酈注涇渭洛也洛即漆沮也雍
錄漆在沮東洛在漆沮東漆至華厚而西合沮漆沮又東
南至同州白水縣乃合乎洛而南流合渭三水雖分而白
水縣瀕爲一流故孔安國班固皆指懷德入渭之水爲洛
水而曰洛即漆沮也通典漆沮之水今京兆府華原富平
界亦曰洛水馮案徐錯本下有
一曰漆城池五字水經注引同

水

水出京兆藍田谷入潯從水產聲

所簡切

水出京兆藍田谷者當云京兆尹南陵本書以水所出之
縣屬於郡下此獨無縣非例也地理志京兆尹南陵沂水
出藍田谷北至霸陵入霸水霸水亦出藍田谷北入渭師
古曰茲水秦穆公更名以章霸功視子孫沂音先歷反積
按沂當爲沂正作潯玉篇席大也充滿也秦穆公欲以章
霸功之閒拓充盛故名潯水後世讀潯爲桑故切但主潯
潯一義遂不解先歷反爲何字矣師古曰茲水者師字衍
文選字記云古謂之茲水卽本漢志馥謂志當云古曰產
水潯作產猶潯作潯產茲形近致誤視子孫下當有師古
曰三字蓋先歷反乃顏所釋字音也司馬相如傳終始霸
產顏注霸水出藍田谷西北而入渭產水亦出藍田谷北
至霸陵入霸馥案所說產水與沂水同郊祀志霸產豐滂
顏注霸產出藍田馥案當云藍田谷入於霸三輔黃圖產水出
霸水經潯水出京兆藍田谷北入於霸霸陵縣北霸水
藍田谷北至霸陵入霸水經渭水又東過霸陵縣北霸水
從西北流注之寔字記藍田縣潯水源出藍田谷卽秦嶺
水之下流東南自商州上洛縣
界流入又西北流合潯水入渭

渭

水出左馮翊歸德北夷界中東南入渭從水各聲盧切

水出左馮翊歸德北夷界中東南入渭者地理志左馮翊
襄德縣洛水東南入渭雍州浸又北地郡歸德縣洛水出
北蠻夷中入河故案本書兼兩說後人亂之也周禮職方
氏雍州其浸渭洛鄭注洛出懷德冀州其浸汾潞鄭注潞
出歸德是歸德所出乃潞水非洛水漢志歸德之洛潞之
潞也本書當云水出左馮翊襄德東南入渭潞州浸徐錯
本有離州浸三字其歸德北夷界中六字本潞下訓洿入
於此漢書音義晉灼曰洛水在馮翊懷德縣東南入渭詩
瞻彼洛矣傳云洛宗周漑浸水也周語幽王三年西周三
川皆震韋注三川涇渭洛關中記渭與涇洛一名漆沮水
一名洛水出馮翊為關中三川周幽王時三川震是也與
涇灃澆潏潏澆滴為入水通鑑陽休之對高歡曰河洛伊
為三川涇渭洛亦為三川注云涇渭洛之洛指關中洛水
史記河渠書臨晉民願穿洛以溉重泉正義洛漆沮水也
初學記周禮雍州其川洛納此洛一名漆沮出馮翊北關
輔之水非河南洛水寰宇記馮翊縣洛水自西北澄城縣

界流入亦曰沮水王應麟詩地理考易氏曰按漢志左馮翊懷德縣卽強梁原之洛水北條荆山在縣西正洛水之源也應麟按懷德卽京兆之富平縣今屬耀州卽馮翊之地



水出宏農盧氏山東南入沔從水育磬或曰出鄆山

西余六切

本書鄆南陽清陽鄉精育陽染也

水出宏農盧氏山者當云盧氏熊耳山地理志宏農郡盧氏熊耳山在東伊水出東北又有育水南至順陽入沔過郡二行六百里又南陽郡育陽縣應劭曰育水出宏農盧氏南入於沔元和志宏農縣熊耳山在縣南五十里南都賦清水盪其胷李善引山海經攻離之山清水出焉南流注於漢郭璞曰今清水在清陽縣南馥案注漢者所謂沔漢也東南入沔者水經沔水東過襄陽縣北又從縣東屈西南清水從北來注之鄆注襄陽城東有東白沙白沙有三洲東北有宛口卽清所入也或云出鄆山西北首文有脫謬晉書音義引字林清所入也

入漢地理志南陽郡鄖縣有水出西北南入漢中山經支離之山清水出焉南流注於漢注云今清水出鄖縣西北

山中南

入漢

沔

水出宏農盧氏還歸山東入淮從水女聲

人渚切

釋名汝南在汝水南也汝陰在汝水陰也閭若璩四書釋地或謂汝水絕迹於禹貢而孟子言汝汝得毋近鑿空余曰觀爾雅從釋地已下至九河皆禹所制名中有曰水自汝出為汝又曰汝有汝此豈禹一無所事於汝而被以是名與又豈汝自天然入於淮而無須禹力與故汝汝二字正可補經文之不備善乎太史公言書缺有闕矣其載乃時時見於他說洵有味哉但難得會心人於千載之下耳胡渭曰孟子言汝汝而經絕無其事不知孟子於此何以獨多誤竊謂此文當云禹疏九河論濟漯決江漢排淮泗而注之海則字字與禹貢相符矣

水出宏農盧氏還歸山東入淮從水女聲
汝水出宏農入淮又定陵縣高陵山汝水出東南至新蔡入淮遇郡四行千三百四十里成十七年左傳楚公子申救鄆師於汝上釋例汝水出南陽魯縣大孟山東北至河

南梁縣東南經襄城潁川汝南至汝陰襄信縣入淮海內
東經汝水出天息山南入淮極西北注云今汝水出南陽
魯陽縣大孟山東北至河南梁縣東南經襄城潁川汝南
至汝陰襄信縣入淮淮極地名春秋說題辭汝出孟山汝
之爲言女也宋均注云女取其生孕也淮南地形訓汝出
猛山高注猛山一名高陵山在汝南定陵縣汝水所出東
南至新蔡入淮括地志汝水源出汝州魯山縣西伏牛山
亦名猛山至豫州鄆城縣名濟博物志汝出燕泉晉書地
道記高陵山汝水所出元和志汝州魯山縣汝水出縣西
一百五十里天息山一名伏牛山水經汝水出河南梁縣
勉鄉西天息山酈云地理志日出高陵山卽猛山也亦言
出南陽魯陽縣之大孟山又言出宏農盧氏縣還歸山博
物志汝出燕泉山竝異名也今汝水西出魯陽縣之大孟
山蒙柏谷西卽盧氏界也東入淮者水經汝水東至原
鹿縣南入於淮酈注所謂汝口水側有汝口成淮汝之交會也

田

水出河南密縣大隗山南入潁從水異聲

與職切

水出河南密縣大隗山者縣字衍按後有潁字晉義竝同
蓋一字也徐鍇韻譜潁水名潁同六書故云潁說文作潁

晏氏類要潁水音翼廣韻潁水名在河南密縣出文字音
義地理志河南郡密縣大鵬山潁水所出南至臨潁入潁
元和志河南府密縣下云大鵬山在縣東南五十里本具
笑山黃帝見大鵬於具笑之山故亦謂之大鵬山潁水源
出於此寰宇記文同字作潁九域志東京開封府陽陵縣
有潁水水經潁水出河南密縣大鵬山鄭注大鵬即具笑
山也潁水出具阿流而為陂俗謂之玉女池又云時人謂
之救水非也救潁音相類故字從聲變耳淮南本經訓滴
游潁減高注潁讀燕人強春言救之救覽冥訓潦水旬月
不雨則涸而枯澤受潁而無源者高注潁讀燕人強春言
救同也元和志許州長社縣潁水俗名勒水經縣西其源
出密縣大鵬山南入潁者水經潁水東南入於潁又潁
水云潁水過汝南潁強縣北潁水從河南密縣東流注之
鄭注潁水入潁非潁水也元和志馬嶺山在密縣南十五
里潁水所出潁
謂此亦潁水也



水出太原晉陽山西南入河從水分聲或曰出汾陽

北山冀州浸

符分切

昭元年左傳昔金天氏有裔子曰昧爲玄冥師生允格臺駘
臺駘能業其官宜汾洮障大澤以處太原帝用嘉之封諸汾
川沈如蓐黃實守其祀今晉主汾而滅之矣由是觀之則臺駘汾神也

水出太原晉陽山者詩彼汾沮洳傳云汾水也晉語景霍

以爲城而汾河練澮以爲澗西南入河者郭注方言云

汾水出太原經絳北西南入河倍十六年左傳涉汾注云

汾水出太原經絳北西南入河成六年傳有汾澮以流其惡注云汾

水出太原經絳北西南入河水經汾水又西至汾陰縣北

西注於河括地志汾水西南流入絳州至蒲州入河也

或曰出汾陽北山者地理志太原郡汾陽縣北山汾水所

出西南至汾陰入河過郡二行千三百四十里冀州寢觀

案過郡二太原河東也桓三年左傳逐冀侯於汾隰釋例

云汾水出太原故汾陽縣東南至晉陽縣西南經西河平

陽至河東汾陰縣入河晉語吾命之以汾陽之田百萬韋

云賈侍中云汾水名海內東經汾水出上黨北而西南注

河注云今汾水出太原晉陽故汾陽縣東南經晉陽西南

經西河平陽至河東汾陰入河北山經管涔之山汾水出

焉而西流注於河注云山今在太原郡故汾陽縣北秀容

山水至汾陰縣北西入河晏氏類要管涔山在宜芳縣北

汾

水出霍山西南入汾從水會磬

古外切

竹書紀年晉出公五年滄絕於梁

水出霍山者徐鍇本作水出河西霍山積案河西當為河東地理志河東郡葭縣霍大山在東冀州山玉篇滄水出

見之澤

卷三十三

三

車約移後書

一百三十里本漢汾陽縣前趙錄劉曜嘗隱於管岑山水經汾水出太原汾陽縣管岑山隋圖經大業十六年敕於汾州北臨汾水起汾陽宮即管岑山汾河源所出之處括地志汾水源自嵐州靜樂縣北百三十里管岑山北東南流入并州即西南流入絳州至蒲州入河也通典嵐州靜樂縣下云有管岑山在縣北一百三十里汾水源自焉九志憲州靜樂縣有管岑山汾水寰宇記嵐州靜樂縣管岑山在縣北一名管岑山山海經云汾水所出管岑山晉人云其山多管岑或以為名又為管岑山晉汾出燕京高云燕京山在太原汾陽汾水所出西南至汾陰入河冀州浸前趙錄汾水出管岑山之陽十二州記汾水出周武縣之燕京山蓋管岑之異名也冀州浸者周禮職方氏河內曰冀州其浸汾潞注云汾出汾陽

靈石楊氏采

平陽絳縣西元和志霍邑縣霍山一名太岳在縣西東三里禹貢曰壺口雷首至于太岳鄭元注曰今河東絳縣霍太山是也水經滄水出河東絳縣東滄交東高山酈注滄水東出絳高山亦曰河南山又曰滄山在縣東南與諸水合謂之滄交元和志絳州翼城縣滄高山在縣東南二十五里滄水出焉九域志絳州翼城縣有滄水酸案滄水西逕翼城南不出於翼城故口有西南入汾者春秋釋例滄出平陽絳縣西南入汾水經滄水又西至王澤注於汾水



水出上黨羊頭山東南入河從水心聲

七切

水出上黨羊頭山者徐鍇本作水出上黨穀遠地理志上黨郡穀遠縣羊頭山世靡谷沁水所出郡國志上黨郡穀遠下注云上黨記曰有羊頭山沁水所出晏氏類要羊頭山在上黨壺關縣九域志潞州長子縣有羊頭山元和志潞州長子縣羊頭山在縣東五十六里後漢安帝時羌寇河東以任尙為御史擊賊於羊頭山謂此也寰宇記澤州高平縣本漢涅氏縣屬上黨郡羊頭山在縣北三十五里山海經云神農嘗五穀之所山形象羊頭水經沁水出上黨涅縣謁戾山酈注沁水即涅水也或言出穀遠縣羊頭山世靡谷地理志上黨郡涅氏縣涅水也顏注涅水出陽

故以名縣也北山經謂辰之山沁水出焉南流注於河郭
注謂辰山在上黨郡涅縣沁水至滎陽縣東北入河或出
穀遠縣羊頭山也酸案寰宇記縣上縣本漢穀遠縣地屬
上黨郡羊頭山一名謁辰山在縣東北五十里沁水所出
此以謁辰羊頭為一山與郭說異元和志縣上縣本漢穀
遠縣地羊頭山在縣東北五十里沁水所出又云沁水一
名少水出縣東南二十四里覆瓿山左傳曰齊侯伐晉封
少水為京觀也酸案水經注引京相璠曰少水今沁水也
廣韻沁州本漢穀遠縣後魏置沁源縣武德初置州因沁
水以名通鑑安慶緒間李嗣業在河內涉沁水攻之注云
沁水出沁州沁源縣東南出山而東流過河內縣北慶緒
自鄴屯河內須度沁水郡縣釋名沁河源出沁源縣有二
一自縣西北縣山東谷南流一自縣東北馬圈溝南流俱
至交口卹合流入黃河魏司馬孚請造石門表曰臣被明
詔與河內水利臣既到檢行沁水源出銅鞮山屈曲周迴
水道九百里魏土地記河內郡野王縣西七十里沁水
左逕沁水城西附城東南流也東南入河者海內東經
沁水出井陘山東東南注河水經沁水東南至滎陽縣北
東入於河又河水云又東北過武德縣東沁水從西北來
注之地理志沁水東南至滎陽入河顏注今沁水至懷州

沁水之經
卷之三
三
連筠移叢書

靈戶楊氏某

武陟縣界入河此云至滎陽疑轉寫錯誤郭注山海經亦云沁水至滎陽縣北東入河

沾

水出壺關東入淇一日沾益也從水占聲

他兼切

水出壺關者徐鍇本作水出上黨壺關地理志上黨郡壺關縣沾水東至朝歌入淇又沾縣下應劭曰沾水出壺關郡國志注壺關今名無畢馥謂畢當作罕即旱東入淇者見地理志一日沾益也者廣雅同俗作添玉篇添益也庚信檉賦香添然蜜梁簡文帝七勵若乃趙梅變實楚醴方添

潞

冀州浸也上黨有潞縣從水路聲

洛故切

冀州浸也者周禮職方氏冀州其浸汾潞鄭注潞出歸德圖經後周於襄垣縣立潞州以其浸汾潞為名馥謂冀州上當有水出北地歸德北夷界中入河十二字今潞入洛字下諸言潞者竝作洛字地理志北地郡直隸縣沮水出東西入洛禹貢正義引水經沮水出北地直隸縣東入洛水淮南地形訓洛出熊山高云熊山在北地西北夷中西山經泰冒之山洛水出焉晉灼引水經云洛水出上郡陰秦冒山過華陰入渭地理志上郡故匈奴歸顏注匈奴者

言例奴歸附其郡有離陰道又有洛都襄洛二縣西山經
白於之山洛水出於其陽而東流注於渭洛水出於
出慶州洛源縣白於山東南流經鄜坊同三州至華陰北
南流入渭雍錄洛水出塞後經鄜坊同三州乃入渭元和
志慶州洛源縣本漢歸德縣地屬北地郡大業元年改爲
洛源縣因洛水所出爲名洛水源出白於山經上郡雕陰縣
在縣北三十里寰宇記洛水源自於山經上郡雕陰縣
秦望山南過襄樂郡又東南過馮翊衙縣地也寰宇記坊
州下云洛水在州東四十里按山海經云出自杳山地理
志云出北地歸德縣北雙夷中從鄜州洛川縣西南入中
部鄜城二縣過入同州白水縣陳啟源曰漢歸德今慶陽
府合水縣隋置洛源於其東北蓋指洛水之初入塞爲源
以名縣也山海經白於之山洛水出其陽東流以注於渭
寰宇記白於山一名女郎山在合水縣北三十里亦謂洛
出合水縣與隋洛源意同皆言洛之源也上黨郡潞縣注
者地理志上黨郡潞縣故潞子國郡國志上黨郡潞縣注
引上黨志潞州潞城縣有潞水元和志潞州潞城縣本漢潞
九域志潞州潞城縣有潞水元和志潞州潞城縣本漢潞
縣屬上黨郡潞水一名潞水在縣北國駟曰潞水在縣北
爲真州潞即漳水也按王猛與慕容評相樂於潞州評鬻
見之解名義登

卷之三
三
連筠篴叢書

小與軍人稱正水二斤則此無他大川可以為
漫所有惟漳水耳故世俗尚謂濁漳為潞水也

漳


濁漳出上黨長子鹿谷山東人清漳清漳出沾山大

要谷北入河南漳出南郡臨沮從水章聲

諸良切

濁漳出上黨長子鹿谷山者地理志上黨郡長子縣鹿谷
山濁漳水所出周禮職方氏河內曰冀州其川漳注云漳
出長子翁君樹培曰古布文有辟子即長子古文長從邑
寢宇記潞州長子縣鹿谷山冀州圖經山在縣西有大道
入壺口東出達襄國西登奚斯巨嶺以達河東經阻千里
郡國志上黨郡屯留山下注引上黨記有鹿谷山濁漳所出
北山經發鳩之山漳水出焉東流注於河郭注漳濁漳元
和志潞州長子縣發鳩山在縣西南六十五里濁漳水出
焉寢宇記上黨縣下引河北記濁漳源出發鳩山地理志
信都國信都縣故漳河故虢沱河皆在北東入海禹貢終
水亦入海胡渭曰漢志雜采古記故漳絳二水並存實一
川也漳絳本入河及河徙之後漳絳循河故道而下故鄭
元云水流開闢所托著曰信都復見絳名而東入於海也
然漢志信都之絳水則又有別志云故漳河在北東入海

禹貢絳水亦入海蓋縣北故漳卽禹河之故道而絳水出
其南則漳水之徙流酈元所謂絳濱者也濁漳注云漳水
自南宮縣故城西又北絳濱出焉今無水故濱東南逕九
門城南又東南逕南宮城北又東南逕續城縣故城北左
逕安城南又東北逕辟陽亭又北逕信都城東散入澤潞
西至於信都城東連於廣川縣之張甲故濱同歸於海按
地理志曰禹貢絳水在信都東入於海也蓋漢時信都之
漳水徙從其縣南故地志以爲絳水而目縣北之濱曰故
漳河其後漳又復北道故水經敘漳水仍自信都縣西東
北過下博縣胡氏又曰水經注濁漳水所經以今輿地言之
皆禹貢降水之所經也又曰宋張洎云降水卽濁漳也地
理志上黨屯留縣下云桑欽言降水出西南東入海酈道
元引此文作入漳云絳水發源屯留下亂漳津與漳俱得
通稱也水經所敘漳水自平恩以下皆禹河之故道河自
斥漳又東北逕平恩曲周以至鉅鹿其西畔爲大陸也毛
晃禹貢指南濁漳水一名降水導河序北過降水至于大
陸是也九域志河北東路冀州信都郡定武軍有昌亭城
水經云漳水東北至昌亭今漳沱衝漳水今長盧河則其
故濱也鄰縣圖經濁漳水在縣西水東北津有承樂浦浦
西五里俗謂紫陌河此處卽俗巫爲河伯娶婦處也東

人清漳者地理志濁漳水東至鄴入清漳又魏郡武始縣
漳水東至邯鄲入漳郭注北山經或曰濁漳出長子縣鹿
谷山而東至鄴入清漳水經濁漳水出上黨長子縣西發
鳩山過平舒縣東南入海酸案水經以濁漳流長清漳入
於濁漳蓋以合流之下屬濁漳也潛邱劄記云漢志濁漳
入清漳清漳東北至阜城入大河阜城在今阜城縣東二
十里此與禹貢漳入河處不合蓋河既徙後之新道也水
經清漳入於濁漳濁漳東北過平舒縣南東入海平舒乃
東平舒今霸州大城縣此又河既徙班氏以後之新道也
清漳出沽山大要谷者沽下山上有關文蓋言沽縣之
某山也據水經山海經當是少山地理志上黨郡沾縣大
更谷清漳水所出東北至邑成入大河過郡五行千六百
八十里冀州川攸案更即要字北地郡大更顏注更即古
要字也吳仁傑曰古文要作與甬相近水經注清漳水
出大甬谷注云大要谷是也邑成當爲昌成鄭注禹貢言
至安平阜成入河續漢志安平國故信都延光元年改其
屬縣有阜成故昌城應劭曰前志作昌成是也過郡五者
上黨郡魏郡廣平國鉅鹿郡信都國也鄭注禹貢漳水在
上黨沾縣大要谷東北至安平阜成入河水經清漳水出
上黨沾縣西北少山大要谷東至武安縣南黍宰邑入於

濁漳應注漳水出鹿谷山與發鳩連麓而在南淮南子謂之發苞山故異名互見也又云淮南子曰清漳出謁戾山高誘云山在沾縣今清漳出沾縣故城東北俗謂之沾山其山亦曰鹿谷山水出大要谷寰宇記平定軍樂平縣卽漢沾縣清漳水出縣西南少山少山一名河逢山福地記曰河逢山在樂平沾縣高人百丈可避兵水此卽恆山之佐命也玉海引薛氏曰濁漳出潞州長子縣東至磁州武安縣入清漳清漳出平定軍樂平縣合庫池易水東北至滄州清池入海清漳卽衡水也信都記衡水亦曰長蘆水卽濁漳之下流也水有袁潭渡歷下博城北而逶迤東注謂之九爭曲水味鹹苦俗稱苦河亦謂之黃漳河是也元和志潞州涉縣清漳水一名涉河在縣南一里九域志遼州遼山縣有清漳水北入河者地理志清漳水東北至邑成入大河又廣平國廣平縣下應劭曰漳水出沾北入河禹貢至于衡漳鄭注橫漳漳水橫流入河北山經少山清漳之水出焉東流於濁漳之水注云清漳出少山大要谷至武安縣南黍窰邑入於濁漳或曰東北至邑成入於大河也淮南地形訓清漳出楊戾濁漳出發苞高云楊戾山在上黨發苞山一名鹿苦山亦在上黨長子二漳合流經魏郡入清河南漳出南郡臨沮者不及所入疑有關

世

聲切渠之

水出河內其北山者地理志河內郡其縣周其故國北山淇水所出晉書地理志汲郡其縣北山淇水所出詩泌彼泉水亦流于淇桑中送我乎淇之上矣傳並云淇水名也禹貢北過降水鄭注今河內其縣北山其水出焉東至魏

郡黎陽縣入河近所謂降水也降讀當如戚降於齊師之
降晉轉爲其蓋周時國於此地者惡言降故改謂之其耳
十三州記昔其伯復歸於國逍遙得意於其山之首寢宇
記淇口水出其山東至衛縣西一里過又南流二十三里
與清水合入河謂之淇水口樓案所稱其山卽北山東
入河者地理志淇水東至黎陽入河隋圖經清淇西自魏
郡朝歌界入分爲二派一在郡東一在郡西俱南流入河
通典衛州衛縣下云淇水出其山東至今縣界入河謂之
淇水口或曰出隆慮縣西山者玉篇淇水出林慮山水經
淇水出河內隆慮縣西大號山東過內黃縣南爲白溝屈
從縣東北與洹水合又東北過廣宗縣東爲清河又東北
過漂榆邑入於海淮南地形謂淇出大號高注大號山在
河內其縣北或曰在臨慮西北山經沮洳之山淇水出焉
南流注於河注云今淇水出汲郡隆慮縣大號山東過河
內縣南爲白溝元和志衛州共城縣漢
屬河內郡淇水源出縣西北沮洳山

中湯

水出河內蕩陰東入黃澤從水莠聲

徒朗切

水出河內蕩陰者地理志河內郡蕩陰蕩水東至內黃澤
西山羨水所出亦至內黃入蕩水經蕩水出河內蕩陰縣

靈石楊氏采

西山東九域志大名府內黃縣有蕩水或借蕩字趙策魏
 安釐王使將軍救趙止於湯陰寰宇記湯陰縣湯水在縣
 治北源出縣西牟山去縣三十五里又云湯陰縣古羗里
 之地在七國時魏之蕩陰漢以為湯陰縣屬河內郡因蕩
 水為名集韻云或從竹通作湯廣韻蕩吐郎切水名在鄴
 今蕩陰縣單作湯又蕩徒朗切水名出湯陰魏案從艸之
 蕩宋人重修所加東入黃澤者水經蕩水東北至內黃
 縣入於黃澤程君瑤田曰字林林慮黃水發源神困之山
 谷按林慮即漢志河內郡屬之隆慮隆慮之下次以蕩陰
 云蕩水東至內黃澤然則內黃澤者疑即林慮黃水來至
 此匯為澤也魏郡內黃縣下應劭曰春秋吳子晉侯會於
 黃池今黃澤在西臣瓚以為陳留郡屬之外黃有黃溝則
 黃澤不得在魏郡師古是瓚說余謂黃池自非黃澤
 而黃澤當為林慮黃水之所匯足證字林之說矣



水出河東東垣王屋山東為沛從水允聲

以轉切

漢書天文志角亢氏沅州春秋元命苞五星流為沅州蓋
 取沅水以為名焉通典竟之為言端也信也端言陽精端
 端故其氣纖殺也禹貢濟河惟兗州史記作沅葉盛水
 東日記崑山盧熊通篆籀之學嘗為兗州知州既視篆即具

奏以印文克字誤類亥字官署印款時尙循宋制云馥案隸
作克兒卽允字一橫爲水之中畫二爲中畫之上下今書作
隸體矣

水出河東東垣王屋山者地理志河東郡垣縣禹貢王屋
山在東北沁水所出東南至武德入河軼出滎陽北地中
又東至琅槐入海過郡九行千八百四十里郡國志河東
郡垣縣有王屋山克水出馥案兩漢志並單作垣不稱東
垣鄭注職方克水出東垣史記集解引鄭注禹貢沁水出
河東東垣王屋山郭注山海經亦稱東垣劉昭注郡國志
引博物記曰山在東狀如垣然則東字不誤疑漢志傳寫
脫漏晉書地理志河東郡垣縣王屋山在東北沁水所出
通典絳州垣縣下云東北有王屋山沁水所出元和志河
南府王屋縣王屋山在縣北十五里週迴一百三十里高
三十里禹貢底柱析城至于王屋是也寰宇記澤州陽城
縣本漢獲澤縣屬河東郡王屋山在縣南五十里括地志
克水出懷州王屋縣北十里王屋山頂崖下石泉淳不流
其深不測至縣西北二里平地其源重發而東南流爲湫
水水經云湫東至溫縣西北爲滹或借聯字北山經王屋
之山聯水出焉而西流注於泰澤注云王屋山今在河東

靈石楊氏某

東垣縣北書曰至于王屋也地理志王屋山沈水所出縣
沈聲相近殆一水耳沈卽濟也又誘爲衍水經注濟水又
東逕原城南東合北水亂流東南注分爲二水一水東南
流俗謂之爲衍水卽沈水也衍沈聲相近轉呼失實也
東爲沛者廣韻沈濟水別名地理志導沈水東流爲沛顏
注泉出王屋山名爲沈流去乃爲沛也寰宇記沈水出王
屋山東流至濟源縣而名濟水

古文沈



本書下有治字口部

台讀若沈州之沈



沈也東入於海從水出聲

子禮切

徐鍇繫傳沛今多作濟故與常山濟水相亂此則四瀆之濟
廣雅沛濟也釋名沛濟也源出河北濟河而南也水
經注風俗通曰濟出常山房子縣贊皇山廟在東郡臨邑縣
今按二濟同名所出不同鄉源亦別斯乃應氏之非矣釋
名濟南濟水在其南也濟北濟水在其北也濟陰在濟水之
陰也馥案陰當爲陽後人改之水以北爲陽隱三年左傳

鄭伯之車傾於濟 吳語西屬之濟注云濟水也故案此
謂河南之濟 燕策齊有清濟濁河 秦策清河濁高注
濟水清河水濁 述征記河內溫縣有濟入於黃河謂之濟
源 唐書許敬宗傳帝曰書稱浮于濟潔今濟與潔斷不相
屬何故而然對曰夏禹導流水東流爲濟入於河今自潔至
溫而入河水自此泚地過河而南出爲滎又泚而至曹濮散
出於地合而東汶水自南入之所謂泚爲滎東出于陶邱里
又東會于汶是也古者五行皆有官水官不失職則能辨味
與色潛而出合而更分皆能誠之 夢溪筆談古說濟水伏
流地中今歷下凡發地下皆是流水東阿亦濟水所經取非
水煮膠謂之阿膠其性趨下清而且重用攪濁水則清故以
治淤濁及逆上之疾也 通典濟水周王莽末旱渠涸不復
截河過今東平濟南淄川北海界中有水流入於海謂之清
河實荷澤汶水合流而曰濟河蓋因舊名非本濟水也 元
和志濟水自王莽末入河同流於海知河南之地無濟水矣
自後所說皆襲舊名如聊州之須昌濟州之長清盧縣齊州
之臨邑豐齊全節臨濟章邱淄州之濟陽長山鄒平高苑青
州之博昌諸縣界中並有濟水其後則不經博昌而改從棧
州之蒲臺入海是皆襲舊名而實非濟也 潛邱劄記以水
經注元和志雲宇記諸書考之濟水最南漯水在中河水最
說文解字義證

北今者小清所經自歷城以東如章邱鄒平長山新城高苑
博興樂安諸縣皆古濟水所行而大清所經自歷城以上至
東阿固皆濟水故道而自歷城東北如濟陽齊東青城諸縣
則皆古潔水所行蒲臺以北則占河水所經蓋唐宋時河行
澤川其後大清兼行河澤二川其小清所行則斷為濟水故
道也盛君百二日地理志下縣云泗水至方與入沛
縣下云梁水至胡陵入沛郡國志臨邑有沛濱廟諸沛字並
誤作沛水經泗水篇荷水過沛輜作縣鄉道元曰荷即濟水
之苞注以成湖澤昔許由隱於沛輜作澤即縣也縣蓋取
澤為名夫縣因澤名非沛而何又地理志奈泗水郡漢改沛
郡沛亦當作沛沛即泗也蓋沛至乘氏縣分為二其一東北
流至博昌入海其一東南流為荷水注泗以入淮注泗之後
沛泗亦復通稱矣沛雖別為荷而仍以濟名漢胡陵縣有魯
侯觀魚臺下臨荷水春秋公矢魚於棠即此而公羊傳以棠
為濟上邑是也按水經濟水篇自乘氏以至湖陸旺解輒即
分沛之荷自沛輜作縣以至唯陵即入淮之泗而皆以為濟
水又云荷水東至湖陸南東入於泗又東過沛縣東北鄉氏
曰濟與泗亂故濟納互稱矣互稱者縣臨泗水乃曰沛故特
釋之猶泗水郡之為沛郡也漢高為泗上亭長而稱沛公亦
然合此參之沛之當為沛明矣左傳齊侯出於沛杜云沛澤

名此亦沛之訛蓋在沛水旁博昌相近之處也

沭也者地理志東郡臨邑縣有沛廟顏注沛亦濟水字也

禹貢導沭水東沭為濟傳云泉源為沭流去為濟水經濟

水出河東垣縣東王屋山為沭水又東至溫縣西北為濟

水酈注河水云成泉大任山在河內修武武德之界濟沭

之水與滎播澤出入自此即經所謂濟水從北來注之者

周禮職方氏河東曰兗州其川河沛莊三十年春秋公及

齊侯遇於魯濟注云濟水歷齊魯界在齊界為齊濟在魯

界為魯濟漢官解詁兗衛濟河胡廣注引濟河惟兗州楊

雄兗州牧箴悠悠濟河兗州之寓九州記濟水一名沭水

出濟源山元和志兗州在濟河之間因濟水發源為名博

物志濟出王屋山爾雅釋文濟出河東東垣縣王屋山或

云出河內溫西北平地淮南地形訓濟出王屋山高注王屋

山在河東東垣縣東北史記夏本紀浮於濟漯索隱云濟

水出河東東垣縣王屋山東其流至濟陰故應劭云濟水

出平原濟陰縣東元和志濟水有二源其東源週迴七百

步深不測西源週迴六百八十五步深一丈皆繚之以周

牆源出王屋山後漢書王景傳建武十年陽武令張汜上

今洛州濟源縣西北東流經溫縣入河度河東南入鄭州
又東入滑曹鄆濟齊青等州入海卽此渠也王莽末旱因
枯涸但入河內而已西征記濟水自大伾入河與河水關
而東流東入於海者禹貢導沔水東流爲濟入于河溢
爲榮東出于陶邱北又東至于荷又東北會于汶又北東
入于海顏師古云沔水而爲濟截河內爲榮澤陶邱今在
曹州定陶西南過荷澤又與汶水會北折而東入於海倍
三十一一年左傳分曹地自洮以南東傳於濟釋例濟自榮
陽卷縣東經陳畱至濟陰北經高平東經濟北東北經濟
南至樂安博昌縣入海海內東經濟水出共山南東邱絕
鉅鹿澤注渤海唐書許敬宗傳帝曰天下洪流巨谷不載
祀典濟甚細而在四瀆何哉對曰瀆之爲言獨也不因餘
水獨能赴海者也狀雖微細獨而尊也元和志傳昌縣海
浦在縣東北二百八里卽濟水東流入海之處水口謂之
海浦胡渭曰濟瀆入海之道自唐以來亦數變初經高苑
縣北又東北至博昌入海其後則不由博昌通典云舊濟
合在今博昌縣界今無元和志補臺縣下云海在縣東一
百四十里海畔有一沙阜俗呼爲鬪口淀是濟水入海之
處海潮與濟相觸故名益其時濟水改道從蒲臺東北入
海也宋南渡後劉豫導灤水東行入濟水故道爲小清河

仍經高苑縣北至樂安縣入海及金皇統中縣令高通改由縣南長沙溝至博興合時水又東北至樂安由馬車清

海人

水出南郡高城滄山東入繇從水危聲

過委切

水出南郡高城滄山者地理志南郡高城縣滄山滄水所出東入繇繇水南至華容入江寰宇記荊州淞滋縣滄山下云地理志高城縣滄山滄水所出東入繇即為此也中山經宜諸之山滄水出焉而南流注於漳注云今滄水出南郡東滄山至華容縣入江也東入繇者或作油字水經注滄水出高城縣滄山東逕其縣下東至房陵縣入油也水

水

水在漢南從水差聲荊州浸也春秋傳曰脩涂梁澐

側駕切

水在漢南者後漢書馬融傳浸以波澐注云水經注云澐水出黃山在今隨州棗陽縣東北元和志隨縣斷蛇邱在

縣北二十五里澁水在邱西四十里九域志隨州唐城縣

有澁水荆州沒也者周禮職方氏河南曰豫州其沒波

澁鄭注春秋傳曰楚子除道梁澁營軍臨隨則澁宜屬荆

州在此非也丁君杰曰澁實豫州沒疑後人改說文以合

職方注春秋傳曰修涂梁澁者莊四年左傳文彼作除

道梁澁注云澁水在義陽厥縣西東南入鄖水正義云釋

例曰義陽厥縣西有漆水源出縣北從縣西東南至隨縣

入鄖水杜以漆解澁益聲相近而字轉耳水經注澁水云

澁水出隨縣西北黃山南逕澁西縣西又東南逕隨縣故

城西楚武王伐隨除道梁澁謂此水也又南流注於澁

澁

水出桂陽縣盧聚山澁浦關為桂水從水匣聲去王切

水出桂陽縣盧聚山者縣山二字並衍方言南楚濕澁之

閒郭注澁水出桂陽水經澁水出桂陽縣盧聚山臨縣東

南過含澁縣南出澁浦關為桂水鄉注云水出桂陽縣西

北上驛山盧谿為盧谿水東南流逕桂陽縣故城謂之澁

水地理志曰澁水出桂陽南至四會是也寰宇記英州洽

澁縣地有澁浦地理志南海郡中宿縣有澁浦官棧謂此

如雲夢官樓船官陂官湖官之官水經作關鄉注澁水出

關右合漆水謂之澁口元和志廣州滇陽縣澁浦故關在

縣西南四十五里地理志桂陽郡含洄縣下應劭曰洄水
所出東北入沅馥案水經注云瓚注漢書沅在武陵去洄
遠又隔湘水不得入沅 洄浦關為桂水者當如水經云
南出洄浦關為桂水海內東經湟水出桂陽西北山東南
注肄水水經注洄水山海經謂之湟水漢武帝元鼎元年
路博德為伏波將軍征南越出桂陽下湟水即此水矣桂
水其別名也地理志桂陽郡桂陽縣下應劭曰桂水所出
東北入湘水經鍾水出桂陽南平縣都山北過其縣東又
北過鍾亭與灌水合鄺注鍾水即嶠水也庾仲初曰嶠水
南人始興泰水注於海北入桂陽湘水注於江是也嶠水
南人始興泰水注於海北入桂陽湘水注於江是也嶠水
經仍其非矣桂水出桂陽縣北界山山壁高聳三面特峻
石泉縣注瀑布而下北經南平縣而東北流屈鍾亭右會
鍾水通為桂水也故應劭曰桂水出桂陽東北入湘馥案
灌當為洄元和志邠州臨武
縣雞水在縣南即桂水也

漢書

水出盧江入淮從水惠聲

胡計切

水出盧江者玉篇集韻並引作盧江洪君亮吉日漢志盧
江之浹水疑即說文之惠水以音近而淆馥案徐邈讀浹

為古惠反則與漣聲近矣 入淮者當為入灌此沿漢志之誤漢志云汝水北至蓼入淮淮乃灌之譌

灌

水出盧江零婁北入淮從水灌聲

古玩切

水出盧江零婁者地理志盧江郡淮水出又零婁縣下云汝水北至蓼入淮又有灌水亦北至蓼入汝二淮字竝當為灌水經注汝水云灌水導源廬江金蘭縣西北東陵鄉大蘇山即淮水也許慎日出零婁縣俗謂之滄水楮先生所謂神龜出於江灌之間嘉林之中蓋謂此水也復案滄水即汝水字異聲同鄺元謂灌水即淮水蓋含灌水不能別尋一淮水又或於誤本之漢志難除淮水之目遂遷就其說以為一水 北入淮者當為北入漣水經注灌水東北逕蓼縣故城西而北注汝水故地理志曰汝水北至蓼入淮灌水亦至蓼入汝馥謂汝水即漣水北至蓼入淮者當為入灌

漸

水出丹陽黟南蠻中東入海從水斬聲

慈冉切

李燾本漸次也案廣雅擊次也

水出丹陽黟南蠻中者李肅本無南蠻中三字地理志丹陽郡黟漸江水出南蠻夷中東入海顏注黟音伊字本作黟其音同羅願新安志謂夷字衍又謂蠻中二字亦誤當作率山水經漸江水出三天子都北過餘杭東入於海鄞云山海經謂之浙江也元和志休寧縣漸江一名浙江源出縣東南橫郭山東流經歙縣又東南入睦州界東入海者李本作南入海水經注浙江又東注於海故山海經曰浙江在閩西北入海

冷

水出丹陽宛陵西北入江從水令聲

郎丁切

水出丹陽宛陵者地理志丹陽郡宛陵縣清水徐鍇曰清冷同也西北入江者地理志清水西北至蕪湖入江

水

水在丹陽從水筆聲

匹卦切

玉篇廣韻
並作渾

水在丹陽者渾或省作渾宋書長沙景王道憐傳芍陂有舊溝引淝水入陂寰宇記壽州六安縣淝水枕縣西門外三十步源出多智山

溧

水出丹陽溧陽縣從水栗聲

力質切

水出丹陽溧陽縣者縣字衍地理志丹陽郡溧陽下應劭曰溧水所出南湖也徐鉉引作南入湖晉書地理志丹陽郡溧陽縣溧水所出元和志溧陽縣溧水在縣西六里寔字記溧陽縣溧水西自溧水縣界流入九域志江寧府溧陽縣有溧水廣韻溧水縣在宣州吳越春秋伍子胥奔吳至溧陽山謙之丹陽記江寧烈洲吳舊津所也亦曰溧洲稷案栗列聲相近

湘

水出零陵陽海山北入江從水相聲

息良切

湘中記湘水至清雖深五六丈見底了了石子如擣蒲矢五色鮮明白沙如霜雪赤岸如朝霞

水出零陵陽海山者地理志零陵郡零陵縣陽海山湘水所出北至鄱入江過郡二行二千五百三十里郡國志零陵陽朔山湘水出郭注方言云湘水名今在零陵水經湘水出零陵始安縣陽海山海內東經湘水出舜葬東南陬西環之入洞庭下郭注今湘水出零陵營道縣陽朔山入江史記屈原傳浩浩沅湘兮正義云說文云沅水出牂柯

東北流入江湘水出零陵縣陽海山北至鄰入江案二水
皆經岳州而入大江也王觀國曰今全桂二州之間有陽
海山有水自山出至山下則分流為二其一向南流者為
離水其一向北流者為湘水其地在漢屬零陵郡寰宇記
桂州興安縣陽海山在縣城北一百七十里注水經云陽
海山一名陽朔山其山自永州零陵縣西南迤邐岡嶺連
亘不絕此山即湘離二水之源又云桂州臨桂縣湘水今
名小湘江源出臨源縣陽海山湘離同源分為二水水在
全義嶺上南流為離水北流為湘水元和志桂州全義縣
本漢始安縣之地屬零陵郡湘水縣東南八十里陽朔山
下經零陵郡西十里陽朔山即零陵山也其初則觴為之
舟至洞庭日月若出入其中北入江者史記正義引有
至鄰二字與漢志同水經湘水北至已邱山入於江元和
志湘水北入青草湖即已邱湖周迴二百六十五里俗云
即古雲
夢澤也

日

長沙汨羅淵屈原所沈之水從水冥省聲

莫狄切

長沙汨羅淵者九域志岳州平江縣有汨水庾闡弔賈誼
文涉湘川而觀汨水佩觿集汨莫的翻汨羅江應劭曰汨

水在羅故曰汨羅昭五年左傳楚子以騶至於羅汨杜注
羅水名楚詞七諫測汨羅之湘水兮注云汨水在長沙羅
縣下注湘水史記索隱云地理志長沙有羅縣羅子之所
徙荊州記羅縣北帶汨水水經注湘水云湘水又北汨水
注之水東出豫章艾縣桓山西南逕吳昌縣又西逕羅縣
北亦謂之羅水又西逕玉笥山又西爲屈潭卽汨羅淵也
又西逕汨羅戍南西流注於湘春秋之羅汨矣世謂之汨
羅口一統志汨羅江名在湘陰縣北十里源出豫章流經
湘陰分二水一南流曰汨水一經古羅城曰羅水至屈潭
復合故曰汨羅西流入湘屈原所沈之水者玉篇引作
屈平廣韻汨羅水名在豫章屈原所沈之處史記屈原傳
於是懷石遂自投汨羅以死賈誼弔屈原文側聞屈原兮
自沈汨羅造託湘流兮敬弔先生新序屈原自投汨水汨
羅之中而風俗通懷王佞臣上官子蘭斥遠忠臣屈原
作離騷之賦自投汨羅水水經注汨水又西爲屈潭卽汨
羅淵也屈原懷沙自沈於此故淵潭以屈爲名荊州記羅
縣北帶汨水水源出豫章艾縣界西流注湘沿汨西北去
縣三十里名爲屈潭屈原自沈處宋書顏延之傳道經汨
潭爲湘州刺史張紀祭屈原以致其意曰弔節羅潭艤舟
汨渚又云望汨心歔噏羅思越抱朴子屈原投汨羅之日

人竝命舟楫以迎之至今以為競渡荆楚歲時記五月五日俗為屈原投汨羅日傷其死所竝命舟楫以拯之續齊諧記屈原以五月五日投汨羅而殞楚人哀之每於此日以筒貯米投水祭之通典湘陰縣下云縣北有汨水即屈原懷沙自沈之處俗謂之羅江元和志湘陰縣汨水東北白洪州建昌縣界流入西經王弼山又西經羅國故城為屈潭即屈原懷沙自決之處又西流入於湘水其省聲者與帳從其聲同



水出桂陽臨武入匯從水秦聲

側洗切

水出桂陽臨武者地理志桂陽郡臨武縣秦水東南至洧陽人匯行七百里元和志漆水一名始興大江馱案桂陽縣後割屬始興也水經漆水南出匯浦關為桂水鄉注關在中宿縣匯水出關右合漆水謂之匯口又水經漆水出桂陽臨武縣南繞城西西北屈東流東至曲江縣安福邑東屈西南流過洧陽縣出匯浦關與桂水合南入於海鄉注漆水導源縣西南北流迤縣西而北與武鄉台山海經曰肆水出臨武西南而東南注於海入番禺西肆水益漆水之別名也又云漆水又西南注於海入番禺西肆水又南出桂陽西北山東南注肆入敦浦西者也又云漆水又南

注於鬱而入於海海內東經肄水出臨晉西南而東南注海馥案水經注引作臨武云肄即湊水別名入匯者地理志桂陽縣匯水南至四會入鬱林過郡二行九百里應劭曰桂水所出東北入湘水經注匯水云徐廣曰滄水一名滄水出桂陽通四會亦曰滄水也水經滄水出滄浦關與桂水合馥案桂為滄之下流即匯水

水

水出桂陽南平西入營道從水突營

式針切

水出桂陽南平者水經深水出桂陽盧聚西北過零陵營道縣南又西北過營浦縣南又西北過泉陵縣西北七里至燕室邪入於湘酃注呂忱曰深水一名蓮水導源盧溪西入營水亂流營波同注湘津許慎云深水出桂陽南平縣也經書桂陽者縣本隸桂陽郡後割屬始興縣有盧溪盧聚山在南平縣之南九疑山東也西入營道者趙一清曰據水經當云西至營道入湘

水

水出武陵鍾成玉山東入鬱林從水辜聲

徒含切

水出武陵鍾成玉山者地理志武陵郡鍾成玉山潭水所出東至阿林入鬱過郡二行七百二十里馥案阿林縣屬

鬱林郡水經注溫水云潭水出武陵郡鍾成縣玉山東流逕鬱林郡潭中縣又逕中留縣東阿林縣西石入鬱水方言湘潭之原注云潭水名出武陵晉譚亦音注元和志詔州曲江縣玉山在縣東南十里東入鬱林者林字衍謂人鬱水也應劭曰潭水東至阿林入鬱元和志鬱水一名西江水九域志貴州鬱林縣有鬱江地理志鬱林郡所鬱縣鬱水首受夜郎豚水東至四會人海又牂柯郡夜郎縣豚水東至廣鬱

油

水出武陵房陵西東南入江從水由磬

以周切

水出武陵房陵西者水經注房陵縣有白丘山油水所出又江水注云公安縣有油水水東有景口即武陵郡界東南入江者水經油水出武陵房陵縣西界東過其縣北又東北入於江又江水云油水從東南來注之攷案從東南來與本書東南入不合疑本書作東北

涇

水出豫章艾縣西入湘從水買磬

其蟹切

水出豫章艾縣者縣字衍玉篇漢書云涇水出豫章攷案漢志豫章郡不言此水水經涇水出豫章艾縣西過長沙

靈石楊氏

羅縣西 西入湘者徐鍇本作西北入湘水經潁水西至
累石山人於湘水鄧注累石山在羅口北潁水又在羅水
南流注於湘謂之東町口者也又注湘水云湘
水又北逕白沙戍西又北石會東町口潁水也

潁

水出南海龍川西入漆從水貞聲

陟盈切

水出南海龍川者吳錄潁石山潁水所出元和志廣州潁
陽縣潁石山在縣北四十里潁水所出又詔州曲江縣潁
水在縣東一里元鼎五年征南越樓船將軍下橫浦入潁
水卽此水寰宇記詔州曲江以潁水回曲因以名之西
入漆者漢志桂陽郡潁陽縣下應劭曰潁水出南海龍川
西入秦馥案臨武漆水字亦作秦水經漆水過潁陽縣屬
注漆水又西南歷臯口太尉二山之閒是曰潁陽峽漆水
出峽左則潁水注之水出南海龍川縣西逕潁陽縣南石
注漆水

潁

水出鬱林郡從水留聲

力敘切

水出鬱林郡者徐鍇本無郡字地理志鬱林郡有中潁縣
顏注留音力敘反水名郡國志作潁水經注潁水云鬱水

石則雷水注之水南出
布山縣下逕中雷入鬱



水出河南密縣東入潁從水翼聲

與職切

與前漢字同六
書故誤亦作翼



水出南陽舞陰東入潁從水無聲

文甫切

水出南陽舞陰者小字本作舞陽水經無水出無陰縣西
北扶子山東過其縣南又東過西平縣北又東過鄆縣南
又東過定潁縣北東入於汝鄆注山海經曰朝歌之山無
水出焉東南流注於滎經書扶子者其山之異名乎滎水
於無陰縣北左會無水其道稍西不出其縣南且邑號無
陰故無出南之理出南則為陽也非直不究又不思矣地
理志潁川郡舞陽縣下應劭曰舞水出南襄宇記舞陰縣
舞水在縣北六十里字或作舞九域志沅州黔陽縣有舞
水東入潁者水經謂入汝彼注汝水云汝
水又東南流逕鄧城西又東南流無水注之



水出南陽潁陽入城父從水放聲

五勞切

水出南陽魯陽者水經注汝水云汝水又逕鄆縣故城南
 潁水注之水出魯陽縣之將狐山東南流許慎云水出南
 陽魯陽入父城從水放磬呂忱字休亦言托魯陽入城
 父者酈氏注汝水引作父城彼注又云汝水又東南與龍
 山水會水出龍山龍溪北流際父城縣故城東昔楚平王
 大城城父以居太子建搜案昭十九年左傳費無極言於
 楚子曰若大城城父而與太子焉以通北方王收南方是
 得天下也王說從之故太子建居於城父注云城父今廣
 城城父縣戴君震曰城父縣當為父城縣考楚之城父邑
 漢置縣改曰父城屬潁川郡晉屬襄城郡晉譙郡有城父
 縣漢屬沛郡是襄城郡之
 父城漢晉皆不稱城父也



潁水出南陽舞陽中陽山人潁從水親聲

七古切

水出南陽舞陽中陽山者舞陽當為舞陰中陽山水經注
 引同地理志作中陰山玉篇觀水出南陽舞陰五音集韻
 引字依觀水名在豫州地理志南陽郡舞陰縣中陰山觀
 水所出東至蔡人汝中山經葢山觀水出焉東南流注於
 汝水郭注或曰觀宜為潁觀水今在南陽也水經觀水出
 潁陰縣東上界山東過吳房縣南又東過潁陽縣南又東

過上蔡縣南東入汝酈注郭景純曰出葭山許慎云出中陽山皆山之殊目也九域志蔡州遂平縣有灝水入潁者漢志山海經水經並云入汝

淮

水出南陽平氏桐柏大復山東南入海從水佳聲戶切

水出南陽平氏桐柏大復山者地理志南陽郡平氏縣禹貢桐柏大復山在東南淮水所出東南至淮陵入海過郡四行三千二百四十里青州川胡渭曰淮陵故城在今盱眙縣西北八十五里距海甚遙淮何得於縣界入海淮陵乃淮陰之訛三千字亦太遠魏案淮陵水經作淮浦臨淮郡有淮浦縣又按過郡四者南陽汝南九江臨淮也地理志淮沂其又顏注淮出大復山又復陽縣下應劭曰在桐柏大復山之陽郡國志南陽郡平氏桐柏大復山淮水出注云荊州記曰桐柏淮源涌發其中潛流三十里東出大復山南荊州副圖桐柏山禹貢所謂導淮自桐柏者也其山則雲峯秀峙林惟椅柏潛潤吐雷伏流數里水經淮水出南陽平氏縣胎簪山東北過桐柏山東至廣陵淮浦縣

說文解字義登

卷三十三

入於海鄆注風俗通曰南陽平氏縣桐柏大復山在東南
淮水所出也淮均也春秋說題辭曰淮者均其勢也釋名
曰淮圍也周統揚州北界東至於海也爾雅曰淮為潁然
淮水與醴水同源俱導西流為醴東流為淮潛流地下三
十許里東出桐柏之大復山南謂之陽日海內東經淮水
出餘山餘山在朝陽東義鄉西入海淮浦北蒚注云今淮
水出義陽平氏縣桐柏山東北經汝南汝陰淮南譙國
下邳經淮陰縣入海朝陽縣今屬新野春秋說題辭淮出
桐柏高注呂氏春秋淮水云淮水出桐柏山在南陽平氏
縣也古文苑桐柏廟碑淮出平氏始於大復潛行地中見
於陽口鄧注尚書桐柏山在南陽平氏東南風俗通淮出
南陽平氏桐柏大復山東南入海禹貢海岱及淮淮沂其
又詩云淮水湯湯晉書地理志義陽郡西平氏縣桐柏山
在南通典唐州桐柏縣下云因山為名淮水所出元和志
樹柏縣桐柏山在縣西南九十里淮水出桐柏山一名大
復山寢宇記桐柏縣淮水出廢平氏縣桐柏山東流桐柏
山其陽有淮濱祠胎簪山在桐柏縣西北三十里九域志
唐州桐柏縣有桐柏山淮水壽春府有淮濱禹貢指南淮
水出胎簪山東北過桐柏山淮水壽春府有淮濱禹貢指南
陽平氏縣東南入海者見釋名山海經風俗通舊案淮

為四瀆之一白虎通巡狩篇瀆者濁也中國垢濁發源東
注海佳聲者顧炎武曰淮從鳥佳之佳後人誤讀為淮
近其又之淮而呼為槐河按淮字當從佳人之佳乃得聲
今本說文亦誤馥謂此說非也淮之從佳猶槐之從鬼顧
氏於從鬼之槐又何說邪按昭十二年左傳有酒如淮有
肉如坻寡君中此為諸侯師顏延之和謝監靈運詩惜無
爵雉化何用充江淮去國還故里陶門樹
蓬萊古不讀戶乖切也故釋名云淮園也

水

水出南陽魯陽堯山東北入汝從水夷聲

直几切

水出南陽魯陽堯山者地理志南陽郡魯陽縣魯山漢水
所出東北至定陵入汝郡國志南陽郡雒縣下注引博物
記漢水出水經漢水出南陽魯陽縣之堯山東北過潁川
定陵縣西北又東過鄆縣南東入於汝鄆注堯山在太和
川太和城東北漢水出焉張衡南都賦曰其川潁則漢潁
漢潁發源巖穴而漢漫汗潁沔洋潁總括急趨箭馳風疾
者也九域志汝州魯山縣有漢水晉書杜預傳激用漢潁
諸水以浸原田萬餘頃襄十八年左傳涉於魚鼈之下杜
注魚鼈山之下有漢水故言涉東觀漢記上與王尋戰大
陂之赴水溺歿者以萬數漢水為之不流元和志魯山縣

本漢魯陽縣屬南陽郡潁水出縣西大柏山寰宇記舞陽縣潁水在縣北四十五里水經云潁水出魯陽縣西東北過定陵入於汝定陵在今縣北六十里集韻泚與潁同注引本書同僖三十三年左傳晉陽處父侵蔡楚子上救之與晉師夾泚而軍杜注泚水出魯陽縣東經襄城定陵入汝東北入汝者水經注潁水東逕西不羹亭南亭北背汝水於定陵城北東入汝又注汝水云又東南逕定陵縣故城北水右則潁水左入焉

豐

水出南陽雉衡山東入汝從水豐聲

盧啟切

水出南陽雉衡山者地理志南陽郡雉縣衡山澧水所出東至鄧入汝後漢書馬融傳面據衡陰注云衡陰衡山之北山海經曰雉山澧水出焉東曰衡山地理志云雉縣衡山澧水所出在今鄧州向城縣北中山經雉山澧水出焉東流注於視水馥案雅山漢書注引作雉山視水水經注作澧水蓋澧與澧合而後入汝澧即芹溝水水經注汝水云芹溝水導源葉縣東逕濩陽城北又東逕定陵縣南又東南流注澧即呂枕所謂峴水又云汝水又東得澧水口水出南陽雉縣亦云導源雉衡山即山海經云衡山也郭景純以為南岳非也馬融廣成頌曰面據衡陰指謂是山

托雒縣界故世謂之雒衡山依山海經不言有水然禮水
東流歷唐山下卽高鳳所隱之山也禮水又東南與皋水
合又東南逕唐城北又屈而東南流逕葉縣故城北又逕
其城東與燒車水合又東逕葉公廟北又東與葉西陂水
會又東注葉陂又東逕鄆縣故城南左入汝山海經曰禮
水東流注於混水也又注無水云又東北禮水注之水出
雒衡山東南逕建城東建當爲卷字讀誤耳郡國志云葉
縣有卷城其水又東流入於無王粲贈孫文始詩悠悠
禮十道志禮州在禮水之北故取爲名寰宇記唐州方城
縣衡山漢志衡山禮水所出卽桐柏之連岡也史記夏本
紀汝山導江東別爲沱又東至于禮索隱云按騷人所歌
濯余佩於醴浦明醴是水虞喜志休以醴是江沅之別流
而醴字作禮也禹貢指南楚詞云遺子佩兮禮浦禮音禮
今禮州禮水在焉禮字從水從豐豐音禮豆登之屬與豐
字不同漢地理志作醴
東入汝者見水經注

員

水出南陽蔡陽東入夏水從水員磬

王分切

水出南陽蔡陽者水經員水出蔡陽縣東南過隨縣西又
南過江夏安陸縣西又東南入於夏酈注員水出縣東南

說文解字義證 卷三十三

平

連筠篴叢書 靈石楊氏栞

大洪山在隨郡之西南竟陵之東北渭水出於其陰時人以渭水所導故亦謂之爲渭山矣寰宇記安州漢川縣渭水在縣東十七里源自隨州東陽縣大紅山經雲夢縣界左傳定四年吳從楚師及清發清發渭水之別名九域志安州安陸縣有渭水隨州隨縣有渭水東入夏水者見水經

水

水出汝南弋陽坐山東入淮從水卑聲

匹備切又匹制切

水經注泄水自濡谿逕安豐縣北流注於潯

水出汝南弋陽坐山者或誤爲潯字寰宇記光州固始縣潯水在縣西五十里源出光山縣陰山腹案鄭注言出坐山西北流歷陰山關東入淮者水經注淮水又東北潯水注之水出弋陽縣南垂山

水

水出汝南上蔡黑閭澗入汝從水意聲

於力切

文當作

水出汝南上蔡黑閭澗者水經注汝水云汝水又東南左會憶水水上承汝水別流於奇頌城東東南流爲練溝逕

召陵縣西東南流注至上蔡西岡北為黃陵陂陂水東流於上蔡岡東為蔡塘又東逕平輿縣故城南為憶水九域志蔡州汝陽縣有憶水入汝者水經注憶水又東南左逕為葛陂陂水東出為鰲水憶水自葛陂東南逕新蔡縣故城東而東南流注於汝意聲者集韻引作塘當為雷聲因象誤也隸體乃作憶



水出汝南新鄴人潁從水凶聲

縣計切

水出汝南新鄴者或借細字地理志汝南郡細陽潁注居細水之陽故曰細陽細水本出新鄴水經注潁水云細水上承陽都陂陂水枝分東南出為細水細水又南逕細陽縣又東南逕細陽縣故城南又東南積而為陂謂之次塘又東南流屈而西南入潁入潁者水經注引地理志細水出細陽縣東南入潁今漢志無此文



水出汝南吳房入潁從水睪聲

其俱切

水出汝南吳房者地理志汝南郡濯陽下應劭曰濯水出吳房東入潁也後漢書吳漢傳成子旦為濯陽侯注云濯陽縣名屬汝南郡在濯水之陽因為名其地今豫州吳房縣也水經濯水出汝南吳房縣西北奧山東過其縣北

入於汝 入觀者水經作入汝酈注濯水東逕濯陽縣故城西東流入觀水亂流逕其縣南又東入於汝水

潁水 出潁川陽城乾山東入淮從水頃聲豫州浸余頃切

或借洞字高士傳卞隨投洞水而死

水出潁川陽城乾山者寰宇記引本書作陽乾山括地志晉地道記竝作陽乾山地理志潁川郡陽城縣陽乾山潁水所出東至下蔡入淮元和志潁陽縣陽乾山在縣東二十五里潁水一源出陽乾山水經潁水出潁川陽城縣西北少室山酈云山海經曰潁水出少室山地理志曰出陽城縣陽乾山今潁水有三源奇發右水出陽乾山之潁谷中水導源少室通阜東南流逕負黍亭東與右水合左水出少室南溪東合潁水故作者互舉二山言水所發也昭元年左傳勞趙孟於潁注云潁水出陽城縣襄十年傳與楚師夾潁而軍注云潁水出陽城至下蔡入淮宣十年傳逐楚師於潁北釋例云潁水出河南陽城縣陽乾山東南經潁川汝陰至淮南下蔡縣入淮釋水潁爲沙馥按易需卦需于沙正義云沙水旁之地詩大雅鳬鷖在沙是也邵君晉涵曰水經注潁水自臨潁縣西流注小潁水出焉爾

雅曰潁別爲沙是小潁水卽沙水矣呂氏春秋離俗篇乃
自投於潁水而夙注云潁出於潁川陽城西山中也史記
鄭世家潁谷之考叔正義云括地志云潁水源出洛州嵩
高縣東南三十里陽乾山今俗名潁山泉源出山之東谷
其側有古人居處俗名潁墟故老云是考叔之故居卽酈
元注水經所謂潁谷也釋名潁川因潁水以爲名也博物
志潁出少室晉地道記潁水出陽乾山東入淮者水經
潁水東南至慎縣東南入於淮酈云春秋昭公十二年楚
子狩于州來次于潁尾蓋潁水之會淮也海內東經潁水
出少室山入淮注云今潁水出河南陽城縣乾山東南經
潁川汝陰至淮南下蔡入淮 豫州浸者漢志引職方荆
州浸曰潁湛顏云潁水出陽城陽乾山宜屬豫州許慎又
云湛水豫州浸茲未詳也通典周禮職方荊州浸
曰潁湛潁水出陽城乾山宜屬豫州在此非也

水出潁川陽城山東南入潁從水有聲

榮美切

水出潁川陽城山者地理志潁川郡陽城縣陽城山洧水
所出東南至長平入潁過郡三行五百里詩寒雲涉洧傳
云洧水名也成十七年左傳公會尹武公單襄公及諸侯
伐鄭自戲童至於曲洧杜注今新汲縣治曲洧城臨洧水

襄元年傳敗其徒兵於洧上昭十九年傳龍圖於時門之

外洧淵杜注洧水出焚陽密縣東南至潁川長平入潁三

國典畧東魏慕容紹宗高岳等堰洧水以灌潁川括地志

洧水在鄭州新鄭縣北二里古新鄭城南九域志河南府

登封縣有陽城山洧泉元和志告成縣本漢陽城縣陽城

山在縣東北三十八里東南入潁者水經洧水出河南

密縣西南馬領山東過習陽城西折入於潁春秋釋例洧

水出焚陽密縣西北陽城山東南至潁川長平縣入潁史

記蘇秦列傳東有宛穰洧水正義云在新鄭東南流入潁

顏注漢書洧水出焚陽密縣東南至潁川長平入潁也



潁水出潁川陽城少室山東入潁從水急聲

於謹切

水出潁川陽城少室山者廣韻作潁云水名在潁川地理

志汝南郡潁強下應劭曰潁水出潁川陽城水經潁水出

潁強縣南澤中東入潁酈注潁水出潁川陽城縣少室山

東流注於潁水元和志登封縣少室山在縣西十里高十

六里周迴三十里潁水源出潁水有三源右水出陽乾

山中水導源少室左水出少室南溪東合潁水竹書紀年

顯王二十三年孫何取潁陽水經注潁水云中水導源少

室通阜東南流逕負黍亭東亦或謂是水為潁水字或作

潞元和志陳州潞水縣本漢汝陽縣屬汝南郡潞水經縣北去縣三里又蔡州鄆城縣下云大潞水上承汝水自襄城至歧嶺城分流南為汝水北為潞水小潞水在縣西北六十里至縣合為大潞水東入潞者水經潞水過南頓縣北潞水從西來流注之酈注潞水於樂嘉縣入潞不至於頓寰宇記商水縣潞水從西華縣南來經縣西四里過入潞



水受淮陽扶溝浪湯渠東入淮從水過聲

古禾切

水受淮陽扶溝狼湯渠者浪徐鍇本作狼水經注引本書作蕞蕞渠倍十九年左傳正義云凡水首從水出謂之受流歸他水謂之入漢書之例為然過經典作渦地理志淮陽國扶溝縣渦水首受狼湯渠東至向入淮過郡三行千里顏注狼音浪又陳畱魯渠水首受狼湯渠東至陽夏入渦渠藝文類聚引地理書滎陽有浪蕩渠通俗文渠在浚儀曰蕞蕩也寰宇記蕞宕渠即汴河之別名水經河水東過滎陽縣北蕞蕩渠出焉又後漢書王景傳永平十二年議修汴渠夏發卒數十萬遣景與王吳修渠築堤自滎陽東至千乘海口千餘里明年夏渠成馥按水經注載王景

事於菰蕩渠下後漢書注云汴渠即菰蕩渠也水經潁水
至新陽縣北菰蕩渠水從西北來注之酈注經云菰蕩渠
者百尺溝之名別也水經又云陰溝水出河南陽武縣菰
蕩渠東南至沛為潁水又東南至下邳淮陵縣入於淮酈
注陰溝始亂菰蕩終別於沙而潁水出焉潁水受沙水於
扶溝縣許慎又曰潁水首受淮陽扶溝縣菰蕩渠不得至
沛方為潁水也爾雅曰潁為洵郭景純曰大水洸為小水
也呂忱曰洵潁水也通典河陰縣下云汴渠在縣南二百
五十步坤元錄曰亦名菰蕩渠今名通濟渠首受黃河漢
書有滎陽漕渠如淳曰今礪溪口是也水經云河水又東
過滎陽北菰蕩渠出焉酈元注云大禹塞滎澤開渠以通
淮泗後漢書云初平帝時河汴使壞明帝元平中乃令王
景理渠隄坤元錄又云自宋武北征之後復皆湮塞隋煬
帝大業元年更令開導名通濟渠西通河洛南達江淮煬
帝巡幸每泛舟而往江都焉又亳州譙縣下云有渦水魏
黃初中文帝自譙循渦入淮老子內傳生於陳國渦水李
樹下魏文帝集建安十八年至譙州余兄弟拜墳墓乘馬
游觀經東園渦水乃駐馬書鞭作臨渦賦王粲浮淮賦從
王師以南征浮淮水而遐逝背渦浦之曲流望馬邱之高
篴三國典畧侯景眾大潰爭赴渦水水為之不流後魏孝

文帝於漢山桑縣地置揚州北臨渦水魏書地形志南譙郡有渦陽縣九域志開封府太康縣有渦水寰宇記開封府太康縣渦水有受蔡水東流經縣正北又借過字晉石苞鎮淮南閔吳欲為寇築壘過水以自固東入淮者水經淮水云又東過當塗縣北過水從西北來注之酈注淮水又北沙水注之經所謂葭礪渠也淮水於荆山北過水東南注之魏志武帝紀軍至譙作輕舟自渦入淮葭礪渠淮陵縣有渦口晉揚州刺史牽宏擊吳丁奉於渦口卽過水入淮處

水

水受九江博安洵波北入氏從水世聲

余制切

水受九江博安洵波者博安當為博鄉洵波當為芍陂地理志鹽江郡潁縣泚水北至壽春入芍陂水經泚水出博安縣北過芍陂西與泚水合西北入於淮酈注博安縣地理志之博鄉縣也泚水自縣上承泚水於麻步川西北出歷濡谿謂之濡水水經淮水云又東北至九江壽春縣西泚水泄水合北注之酈注泚水云又東北逕博安縣泄水出焉北入氏者趙一清曰九江不問有氏水蓋泄水合泚水以入淮而或誤以為入泚水經泚水篇云泄水從南

來注之善長糾之曰泚陽無泄水蓋誤引壽春之泚泄目因泚訛而為氏



水受陳畱浚儀陰溝至蒙為離水東入于泗從水反

聲皮變切

後漢書明帝紀十三年詔曰自汴渠決敗六十餘歲加頃年以來雨水不時汴流東侵日月益甚水門故處皆在河中汴濇廣溢莫測圻岸蕩蕩極望不知綱紀今兗豫之人多被水患過曰縣官不先人急好興它役又或以為河流入汴幽冀蒙利故曰左隄疆則右隄傷左右俱疆則下方傷宜任水執所之使人隨高而處公家息壅塞之費百姓無陷溺之患議者不同南北異論朕不知所從久而不決今既築隄理渠絕水立門河汴分流復其舊迹陶邱之北漸就壤墳故薦嘉玉潔牲以禮河神

水受陳畱浚儀陰溝者地理志河南南郡滎陽縣卞水在西南馥案卞今作汴俗寫飯字亦作飢皆惡反字也宋書謝靈運傳次師於汴上猶存篆之正體陳畱風俗傳浚儀周時梁伯所居國都竹書紀年梁惠王為大溝以行圃田之

水水經汭水出陰溝於浚儀縣北又東至梁郡蒙縣爲獲
水鄒注陰溝卽蒗蒗渠也汭承蒗然而東自王賁灌大梁
水出縣南不逕其北夏水洪泛則是瀆津通故渠卽陰溝
也於大梁北又曰浚水矣故閼稱箸陳留風俗傳曰浚水
逕其北者也又東汭水出焉故經云汭出陰溝于浚儀縣
北也又注濟水云出河之濟卽陰溝之上源也史記秦始
皇二十二年王賁攻魏引河溝灌大梁元和志河陰縣本
漢滎陽縣地汭渠在縣南二百五十步亦名枝湯渠禹塞
滎澤開渠以通淮泗後漢初河汭決壞明帝永平中命王
景修築渠隄十里立一水門令更相潤注無復潰漏之患
曾鞏曰昔禹於滎澤下分大河爲陰溝出之淮泗至浚儀
西北復分二渠或曰鴻溝始皇疏之以灌魏郡者是也或
曰浚儀渠自滎陽五池口來注鴻溝者是也或曰浚儀渠
漢明帝時循河流故道作渠渠成流注浚儀者是也宋至
道中上開汭水疏鑿之由張泊對曰禹於滎澤下分大河
爲陰溝引注東南以通淮泗至大梁浚儀復爲二渠一渠
東經陽武中牟臺下爲官渡水一渠始皇鑿川灌郡謂之
鴻溝卽出河之溝亦曰浚溝今荻溝渠是也至蒙爲離
水東入於泗者寰宇記宋城縣蒙澤在縣北三十五里左
氏傳宋萬弒閔公於蒙澤杜注云蒙澤宋地蒙縣也離水

當為獲水地理志梁國蒙縣獲水首受留獲渠東北至彭
 城入泗過郡五百五十里水經獲水出汲水於梁郡
 蒙縣北又東過蕭縣南睢水北流注之又東至彭城縣北
 東入於泗又泗水又東南過彭城縣北注云泗水又南淮
 水入焉馥案淮當為獲水經濟水又東過彭城縣北獲水
 從西來注之是也或曰汲人獲獲受睢睢入泗離水當為
 睢水水經睢水出梁郡鄆縣東過睢陽縣南又東過相縣
 南屈從城北東流當蕭縣南入於陂鄆注睢水出陳留縣
 西蒗蒗渠東北流經言出鄆非矣睢水東南流入於泗謂
 之睢口經言止蕭縣非也地理志陳留郡浚儀縣睢水首
 受狼湯水東至取慮入泗信十九年左傳宋公使邾文公
 用郕子於次睢之社注云睢水受汴東經陳留梁譙沛彭
 城縣入泗寢宇記陳留縣睢溝在縣東南五里輿地
 志云汴水自滎陽受睢水東至陳留彭城南入泗水

澮

水出鄭國從水曾磬詩曰澮與洧方渙渙兮

側說切

水出鄭國者後人加國字本謂山陽郡之鄭縣也詩釋文
 引本書亦無國字本書鄭下云宗周之滅鄭徙澮洧之上
 鄭下云姬姓所封澮洧之閒水經澮水出鄭縣西北平地
 鄭注澮水出鄭城西北雞絡塢下南注於洧詩所謂澮與

消者也世亦謂之爲鄆水也詩褰裳涉溱傳云溱水名也
酸案溱作溱者猶蜻首作蜻首也元和志新鄭縣溱水源
出縣西北三十里平地竇字記新鄭縣溱水二水溱水在
縣北消水在縣南詩曰溱與消方渙渙兮者鄭風溱消
文彼作溱傳云
溱消鄭兩水名

溱

水在臨淮從水交聲

力唐切

水在臨淮者地理志泗水
泗水出南入淮